



# အပိုင်း ကျေးဇူးတင်ကြား



- ကဲန်းဘဲ, - အပိုမ် ကျေားစံဝ်ဖြား ၅
- ကဲအီးကလ္လကျေား; - တော်င်းစိင်၊ မာည်းလူကျာ၊ ဆာင်အော်င်
- တည်းကျေား; - တအာင်းရူမာည်း
- ကဲအီးစဲတ်မဲန်း; - ဆဲင်မည်၊ တော်င်းစိင်၊ မာည်းလူကျာ၊ ဆာင်အော်င်
- ဘော်က်စဲတ်မဲန်း; - ဘော်က် အူ
- ဆည်းလည်လေး; - ပကျိုဝ်းဖိုန်၊ ဆာင်နမ့် ၂၀၁၈

Title : Bible Stories – 5  
 Translated by : Taung Sein, Mai Lu Jar, San Aung  
 Language : Ta'ang Rumai  
 Edited by : Seng Mai, Taung Sein, Mai Lu Jar, San Aung  
 Edition : 1<sup>st</sup> Edition  
 Date : April 2018

Translated from the English *Open Bible Stories*. Original work available at [unfoldingWord.org/stories](http://unfoldingWord.org/stories)



This work is licensed under the Creative Commons Attribution-NonCommercial-ShareAlike 4.0 International License. To view a copy of this license, visit <http://creativecommons.org/licenses/by-nc-sa/4.0/> or send a letter to Creative Commons, PO Box 1866, Mountain View, CA 94042, USA.

ယေးမုာ်ဒဲးဆူး အီးမိုးပံပ်အီးတော,အရောင် အီးခိုဝ်းနဲ့လောင်တြားစံဝ်ဖြားနီး  
နှောင်းပေန်မာင်ကလာ စာဓါးစည်းအဲကဲအီးဂေါ်ညးတဲင်းကံမ်ဖာတော်နီးဒီးဟံ့။

# ခံပ်ကဏီ ကော်နုံးဘော်,


၄၁။ စံဝ်ယေဆု ဓီးယာ်ညံ,အီမ်းဒေးဒယာ်မ်း	၁
၄၂။ စံဝ်ယေဆု ဓီးဟိုက်ဟောင်း ပျိုပျိုနုံး	၇
၄၃။ ဘညံဘာညံး တဇူးဒေး စုမ်းညေ့မ်စံဝ်ခရိတ်	၁၅
၄၄။ ပေတရုကာညံးယောဟာန် ဆားနှာမ်းဒေး တူအီးမှာနုံး	၂၃
၄၅။ ဖိလိပုကာညံး တားအောဒါင်းအီတီယိုးပီးယား	၂၉
၄၆။ ဘညံဘာညံးပေါလု ညေ့မ်ဒေးစံဝ်ခရိတ်	၃၅
၄၇။ ပေါလုကာညံးတိလ စ်မ်းပျိုလှိုင်းဖိလိပိ	၄၃
၄၈။ စံဝ်ယေဆု မိုးပေါ, မေဆိယ	၅၁
၄၉။ ကတိဆေတ်စာ တမာညံး ပံင်ရဲနုံးစံဝ်ဖြား	၅၉
၅၀။ စံဝ်ယေဆု နံင်ဓီးလေးဒေးဘိုး	၆၉



# ၄၁။ စံဝ်ယေဆု စီးယာ်ညံ၊ အိမ်းဒေးဒယာ်မ်း



မတဲ ၂၇:၆၂-၂၈:၁၅၊ မာကု ၁၆:၁-၁၁၊ လုကာ ၂၄:၁-၁၂၊  
ယောဟာန် ၂၀:၁-၁၈



ဓါည်းပယာ်မးဟော်ည်,ကဲတ် စံဝ်ယေဆုတံင်တဲင်းရံင်းတတ်,တည်း၊  
 အီးမိုးတူအီးဒါင်းယုဒ ကဲအီးအာ်ညျေမ်စံဝ်ယေဆုကဲတ် ဟည်ဒေးဇူးလာ်  
 တားကညျားပိလတ် စီဒါ်; “ယေဆု အီးဆမားခလံင်းဒိုဝ်၊ အန်းဟည်ဒါ်;အုန်း  
 အန်းနံင်ဗီးယာ်ည်,အိမ်းဒေး ဒယာ်မး ဆတ်ဘိုန်း တံင်အိုည်းဆည်း။ ဂေါ,မိုး  
 ဘာည်းဇဲန်း အီးလိုပည်တိုဝ်; ထံမ်ဖဲင်းခို,ခို၊ နှာင်းတပဲအန်းစံက်ကဲ ဘူဘိုန်း  
 ဒေးဘျားလာည်းဟောင်းနဲဒါ်; စံဝ်ယေဆုဟည်ယာ်ည်,အိမ်းဒယာ်မး။”



ဂေါ,မိုးဘာည်းဇဲန်း အီးမိုးပျို ထံမ်ဖဲင်း ဒီတီ,ကဲတ် စံဝ်ယေဆုဒီး  
 တားကညျားပိလတ် စီဆူည်,တူအီးပည်ကဲ ပည်တိုဝ်;အုန်း ကရီးကတီး။ အီးမိုး  
 တံင်ကတဲင်းဒီလဲပ်ထံမ်ဒီးမတ် ဟည်ဒါ်ပေါ, မာ်ဒါင်းဘိအုန်း ဆူည်,အုန်းဘိုး  
 တူအီးပည်တိုဝ်;ကဲပည်တိုဝ်;၊ နှာင်းအီးကံပ်ဘူဘိုန်း ဒေးဘျားလာည်းဟောင်း  
 တိုးချာပ်စံဝ်ယေဆုဒီးဟာ်။



ဓါည်းတီ,ဟော်ည်,အီးတတ် စံဝ်ယေဆု၊ ဂေါ,မိုးဆည်းဘတ်နး မိုးဆည်း ဆတောင်း တူအီးကဲမတ် စီအိုင်လှဲဝ်ဒါး တော်နးချေးဟတ်။ ဓါည်းဆည်းဆတောင်း ခည်ညေးဇဲဝ်ဇဲဝ် အီးပဲနးကဲမတ် ဟည်ဒေးစတ်မး ပါ့ထမ်ဖေဝ် ဒီတီ,တတ် စံဝ်ယေဆု စာနံင်ကျည်းအေမ်းပျိုင်းအူးညူး တိုင်တိုးချာပ်အန်းစံဝ်။




ခည်ယာမ်းဇဲနး အိုင်ဆံန်ဒါင်း စီလယူးဒေးပေါ,ဟတ်။ အီးမိုးစံင်နောင်းပါ့ပျိုနး စံဝ်ဖြားမတ် ဟည်ယာည်,ပါ့ပျိုနး ဟိုင်ပျိုင်လေးဘာည်းပေါ,ကဆား။ အန်းစီဂိုင်ခိုဝ် မာဝ်ဒါင်း အီးဘိအူးနးကတဲဝ်ထမ်ဒီး စီအံက်ဂေါည်းအူးနး တံင်တေင်းမာဝ်ဒါင်းဒီး ဟတ်။ ကော်နးနာနးကဲအီးပည်ထမ်မတ် ကဒိုနးယံဝ်ယာဝ် ကဲကံပ်ဂေ,အိဒို့ တေင်း ကတာည်း ကံပ်နေးနံင်ယာမ်း။





စံင်နာင်းပျိုပျို န်းဒီး စီဒါ်; တံ့အီးပဲန်းကဲဒီး “ပဲခူယံဝ်းနား၊ စံဝ်ယေဆု ဘူဂေါ်ညးမ ပျိုနီး။ အန်းဟည်ဗီးယာ်ညည်, အိမ်းဟော်ညည်, ဒယာ်မ်း တော, တာ် ဘည်ဘာညးကလောင်းအူန်းအန်း။ ပဲတိုဝ်းဟံင်း ခဲင်းကတဲင်းထံမ်ဖေဝ်း အန်းစံဝ်။” အီးပဲန်းကဲဒီးမာ် စီလဲပ်တိုဝ်း ဒီပွေးအူန်း တိုးချာပ်အန်းစံဝ်။ ဘည်ဘာညးမာ် အီးမိုးတိုးချာပ်အန်းစံဝ် ဟည်ဘူဂေါ်ညးမ ပျိုဒီး။



ဓါညးဒီး စံင်နာင်းပျိုပျို န်းဒီး၊ စီဒါ်; တံ့အီးပဲန်းကဲဒီး "ပဲစီဟောင်းကလောင်း တံ့တပဲစံဝ်ကဲ ဒါ်; 'အန်းဟည်ဗီးယာ်ညည်, အိမ်းဒေ; ဒယာ်မ်း၊ အန်းဟည်ဟောင်း စာ်မ်း နံက်အူန်းပဲ ပျိုအရာပ်ဂါလိလဲ လအာညည်, ပဲနား'။”



အီးပဲန်းကဲဒီးမာ် ပါယံဝ်းပါ ခိုညး စီလည်လေးဗီးဟောင်း စာနံင်ကလောင်းနဲ့ တံ့တပဲစံင်ကဲ ဆတောင်းအီးမဲ့မ်းခိုညးဒီး။



စံင်ယေဆု စီကတ္တုးဒေးလအာည်,ကဲ ပါ အိုန်ဒါ န်းဟောင်းကဲဒီး၊ ကဲမာ် ဟည်အံက်ဆကျုးဒို့ တံ့လအာည်,အန်းစံင်။ စံင်ယေဆု စီဒါးတံ့ကဲ “ပဲခူယံဝ်းနား၊ ဟောင်းကလောင်း ခါင်ဆတောင်းနီး တံ့တပဲစံင်ကဲ၊ ဒါး 'ကဲမာ် ဟည်နံင်ယေဝ်းပေါ, အံဝ်း ပါ အရာပ်ဂါလိလဲ'။”



# ၄၂။ စံဝ်ယေဆု စီးဟိုက် ဟောင်း ပျိုပျိုန်း




မတဲ ၂၈:၁၆-၂၀၊ မာကု ၁၆:၁၂-၂၀၊ လုကာ ၂၄:၁၃-၅၃၊  
ယောဟာန် ၂၀:၁၉-၂၃၊ ဆမဲင်းစံင်နောင်းစံင် ၁:၁-၁၁



ဆငည်းဒီး ချေးအီးတော,လဘာ်နးအန်းစံ်အယ်ချေးဒီး၊ စီဂီဟောင်းပျံ့လှိုင်း  
 အန်းအီးကတ်မ် ပျံ့ရိမ်းဂေါ်ည်းကဲ။ ဇိုဂီဟောင်းကာည်းတတ် တော,အိုန်ဒါ်နးဒီး၊  
 ကာည်းဂီလည်ကအုပ်ကမိုန်ဟောင်း လောင်စံ်ယေဆု ယာ်မ်း ကာည်း လောင်  
 အန်းစံ်ဗီးယာ်ည်,အိမ်းဒေး, ဒယာ်မ်း အီးမိုးပံင်ဒေး,ကလောင်းနဲ့ အီးပဲန်းကဲ။ ကာည်း  
 စီဂီလည်ကအုပ်ကမိုန်ဒါ်; ယေဆုနံင်မိုးလာ် မေဆိယအခည်း။



ဇိုယာ်မ်းဇဲန်း စံ်ယေဆုစီဟည်တ်မ်းဒေးပေါ, စီတံန်တော,ဟောင်း တော,  
 ကာည်း။ ဘည်ဘာည်းမ် ကာည်းစီအာ်ကအာ်မ်းမ အန်းစံ်။ အန်းစံ်စီမော,  
 တံ့ကာည်း ဒါ်; “လောင်ဆိ ပါည်းဂီလည်ကအုပ်ကမိုန်။” ကာည်းစီဗီးကလောင်းနဲ့  
 လောင်ဘည်ဘာည်းကဗုည်းကဒူည်း အီးဘိုန်ဒေးဗိုင်ကနီး တံ့အန်းစံ်။ ကာည်း  
 ဒုင်မိုး စံ်ယေဆု မိုးတူအီး ဒီဟည်း၊ အန်းညျမ်နာ်,မ လောင်ပံင်ဘာည်းဒေး  
 ကဲကဲဒီး။




ဘိုန်ဇဲန်း အန်းစံစီကလောင်းနဲ့ တံ့ကာည်း လောင်မေဆိယ၊ ပံင်ကိက်ဒါး  
 အုန်းခဲင်းဘဲ,ကျာမ်း၊ ကလောင်းနဲ့ဘိုး ဘည်ဘာည်းပရောဖဲတ်ကဲ ဟောကလောင်း  
 အုန်း အီးမိုးလောင်မေဆိယ နံင်ကတူးအီးလီလာဘာည်း၊ နံင်ကညားအီးကယာင်  
 ပယာ်မးဗိုန်၊ နံင်ဗီးယာ်ညည်,အီမ်းဒဲး ဒယာ်မး တံင်အိုည်းဆငည်း။ ဘိုဝ်ဟောင်းစ်မ်း  
 ကဲတတ် ပါ်လုင်းဟောင်းကဲဒီး ဘျည်းမာ် ဟည်မိုးအာ်,ဒဲး။



အီးမိုးအယ်ချေးကာည်းဒီးမာ် စီတဲ,စံဝ်ယေဆု ဒဲးဂေါ်ည်းအိုင်လုင်းဒါး  
 ပါ်ခလဲပ်ကာည်း။ အန်းစံမာ် စီလဲပ်ဟောင်းဂေါ်ည်း တော,ကာည်း။ ဇိုဂီဟိုမ်း  
 ကဲတံ့ပိုမ်းမဲဝ်း အန်းစံစီတဲးမာ်,ခမူန်း ဇိုက်ပိုက်ခိုည်းတော, ကေးစူးစံင်ဖြား  
 ဟော်ညည်,မာ်,ဘာည်းဇဲန်း စီကွာ်,ခမူန်းဟာ်။ စံန်ဘာည်းဇဲန်းမာ် ငါည်းကာည်းစီ  
 ဟည်ပိုင်ဒဲးပေါ, ကာည်းစီဟည်ကအာ်မးပေါ, မိုးတတ် အန်းစံဟာ်။ ဇိုဘာည်း  
 တံ့ဇဲန်း အီးမိုးအန်းစံမာ် ဟည်ကမာ်,ဟောင်းပေါ, ဒဲးအူတ်န်း။



ကာည်းဒီး စီလည်ကအုပ်ကမိုန် ကလောင်းဒါးလ်ခနားကာည်း "တိုင်နေား အာည်းမာ် ဟည်ခိုည်းယောင်းအခည်း ခည်အန်းစံင် ခည်ကလောင်းနဲ့ တံ့အာည်း လော်င်ပိုင်ဆိုင်ဒါး၊ ခဲင်းဘေဲ,ကျာမ်းဒိုဝ်း။" ဓါည်းဒီး ကာည်းစီယာ်ည်,ဟိုက်ဟောင်း ပေါ, ပါ်လိုင်ယေရုဆလိုင်ပေါ,အူစာ်နး။ ကာည်းစီကလောင်း တံ့တပဲစံင်ကဲ ဒါး "စံင်ယေဆု ဟည်အဆာက်အီမ်းဟော်ည်, ယည်းဟည်ယေဝ်းဒေးဟော်ည်,အန်း။"



ဇိုဂီလည်ကလောင်းကဲတံ့ဘာည်းဇဲန်း၊ စံင်ယေဆုမာ် ဟည်ကညွူးကတိုင် ကတောင် ဒေးပေါ,ကဒည်ကဲ။ ဘိုဝ်ဘာည်းတံ့ဇဲန်း ကဲစီဒိုင်မို; အန်းစံင် မို; ကဘျော။ ဘိုန်ဇဲန်း အန်းစံင် စီဒါးတံ့ကဲ "ဒဲးပဲ ဂေါ်ည်းနိုမ်းချို,နား။ ဆိမ်ဘာည်း ပဲဆမ်ယံဝ်း ဆမ်မဲးလ် နေားဂါင်းဟားဘာည်းဇဲန်း။ တိုဝ်းဟံင်း ဇာ်နးတည်းအံဝ်းကဲ။ ကဘျောဒါးအီး အာဝ်မဲးမတိုးပိုင်း ဘာည်းညျေုန်း။" အန်းစံင်စီမှာန်းဟိုမ်း ကားအူထိုင်တံ့ကဲ စာနံင်နဲကဲနာ်, အန်းအာဝ်မို;မ ကဘျော။



စံဝ်ယေဆုစီဒါ်; “အံဝ်းဟည်ကလောင်းအုန်းတံ့ပဲ ဂါဆိင်မိုးပံင်ကိက်ပွေးအုန်း  
 ခဲင်းဘေ,ကျမ်း အီးမိုးလောင်အံဝ်း နံင်လိုနိုက်ကိုမ်ဒေး။” ဓါည်းဒီး စာကဲနံင်  
 ကတ္တုးနာ်,တံ ကျေးတြားစံဝ်ဖြား အန်းစံဝ်စီဗိုဝ်ဒေးနေးကဲ။ အန်းစံဝ်စီကလောင်းနဲ့  
 တံ့ကဲ စီဒါ်; “တိုင်ဘေ,ကျမ်း ဟည်ကိက်ပွေးဒါ်အုန်း လောင်စံဝ်ခရိတ်ဒီး  
 ဆိုင်ခည်အည်,နီး၊ ဘည်ဘာည်းအန်းနံင်ကတူးကညား အီးလီလာဘာည်း  
 နံင်ကတူးယာ်မ်း၊ နံင်စီးယာ်ည်,အိမ်းဒေး ဒယာ်မ်း တံင်အိုည်းဆငည်း။”



စံဝ်ယေဆုစီဒါ်; “ပဲစီယာ်ည်,ပေါ, ပါ်လှိုင်းယေရုဆလိင် လှယ်ဟော  
 ကလောင်းဟောင်း တံ့တူအီးတော်န်းမျိုး၊ နှာင်းကဲကတ္တုည်နေး ဘိုန်းလော်တ်ဒ  
 ပံင်ကလူည်,ကဲ။ ပဲမာ် ဟည်မိုးဆံက်ဆေ စာပံင်ဘာည်းလှေကဲကဲနီးဟံ့။”





ဓါည်းဗီးယာ်ညည်,အီမ်းဒေး; ဒယာ်မ်းဒီး ခဲင်းဘျည်းဖိုန်းကိုင်းဆငည်း၊  
 စံဝ်ယေဆု စီဂေါ်ညည်းဂေါ်ညည်းနဲ့တိုးအန်း တံ့လအာညည်,တပဲအန်းကဲ ကာညည်း တံ့  
 ကဲအီးတော,လဘာ်န်းအန်းကဲ။ စာအူဘော်ကဲမာ် နံင်အာဝ်ဂါ်န်းဟံင်း ဘံင်တူအီး  
 ဖာ်န်းပယာ်; ကဲယဲဝ်းဒို့ အန်းစံဝ်။ အီးမိုးတံ့ပဲအန်းစံဝ်ကဲမာ် အန်းဒါးဆံက်ဆေ  
 ဂည်မျိုး ဟည်နဲ့ဒဲးဘည်ဘာညည်းအန်းစံဝ် အဆာက်အီမ်း။ ဒဇဲန်းအာဝ်ဂါ်န်း  
 အန်းစံဝ် စီပနံင်းဒဲးဘိုး တံ့ကဲ လော်င်ကိုင်းစံဝ်ဖြား။



ဘိုဝ်နံင်နိုက်တာ် ဖိုန်းကိုင်းဆငည်း၊ စံဝ်ယေဆုစီဒါ်; တံ့တပဲအန်းကဲ  
 “စံဝ်ဖြားဟည်ဒဲးအူန်းတံ့အံင်း အီးမိုးဂါဆိင်မိုးကနေးအာနာပျို်း န်း ကာညည်း  
 တဲင်းကတာညည်းနီးပါပည်မဲး။ ဂေါ,မိုးဘာညည်းဇဲန်း ပဲစီဟာင်း၊ စီရဲန်းဒဲးခြိုင်း  
 မျိုးပါပည်မဲး နှာင်းကဲပေန်ဒို့ တပဲအံင်း။ ပဲစီဒါးဇိုဝ် ကူန်စံဝ်၊ ကော်န်းစံဝ်၊ ဓိညေန်  
 ချို,ဆငါးစံဝ် ဒဲးဘပ်တိစမ်ဇဲပ်အဲမ်းတံ့ကဲနား။ ပနံင်းဒဲးဘိုးတံ့ကဲ ဆိန်ပိင်ညာပ်  
 ပံင်ပနံင်းဒဲးအံင်းတံ့ပဲ နှာင်းကဲနား, တညာင်းလာညည်းတော,ဟာင်းနား။”



ဓါည်းဒီး အန်းစံဝ်စီဒါ်းဘိုး “အံဝ်းနံင်ဂေါ်ည်းတော,ပဲ တော်နှောင်းကံပ်ဆုတ်  
 ကံမ်ဖာ။ ဆာ်ဓိညေန်ချို,ဆငါးစံဝ် လေးဒေးဂေါ်ည်းတောင်းပဲ၊ တာန်ခိုးပါပည်မဲးမာ်  
 နံင်နိုက်ကိုမ်ဒို့ပေါ, တောင်းပဲဟာ်။ ဘိုန်ဇဲန်း ပဲစီဟောကလောင်းနဲ့ လော်င်အံဝ်း  
 ယာ်ည်,ပေါ, ပါ်လှိုင်းယေရုဆလိုင် တော်ကံပ်စာ်မးအရာပ်ယုဒ၊ အရာပ်ဆမာရီ  
 ဒဇဲန်းအာ်ဓါ်နး တော်ကံပ်ဆုတ်ပေါ,ကံမ်ဖာနား။” ဇိုဂီတိုဝ်း စံင်နှောင်းစံဝ်ကဲတော်  
 အန်းစံဝ်တံ့ဘာည်းဇဲန်း၊ အန်းစံဝ်ဟည်ကညားလာည်းဟိုက်ဟောင်းပါ်ပျိုန်း၊  
 အူင်အုစီညိုက်ဒါ်,ဟောင်း အန်းစံဝ်ဟာ်။ အန်းစံဝ် စီအံက်ညှာခည်တည်းအဲး  
 စံဝ်ဖြား၊ စီတိုဝ်းမန်းဟောင်းဒို့ ပါပည်မဲးဟာ်။



# ၄၃။ ဘဉ်ဘာဉ်း တဇးဒေး စုမ်းညှမ်းစံင်ခရိတ်



ဆမဲင်းစံင်နာင်းစံင် ၂



ဓါည်းဟိုက်ဟောင်းစံင်ယေဆုတ် ပါ်ပျိုန်း၊ တပဲအန်းစံင်ကဲ စီဂေါ်ည်းလို့ည် ပါ်လှိုင်းယေရုဆလိင် တော,တက်ဘည်ဘာည်းဒါ်;အူန်းအန်းစံင်။ ဂါဆိင်မိုးကဲအီး တော,လဘာ်န်းအန်းစံင်ကဲမာ် စီဒဲးကစုခမို့ဒါ် ဂေါ်ည်းမှာန်းဆူး ဘူထာတ် ဘူဓါည်းဟာ်။



ခည်ယာမ်းဇဲန်း မိုးအချိုင်ရဲန်းပျေါ်ည်းပိန်တေကိုက်တေ အီးမိုးပျေါ်ည်း ယုဒကဲ။ အီးမိုးပျေါ်ည်းဒီး မိုးပျေါ်ည်းတောင်ကူင်ကေးစူးစံင်။ ဂါဆိင်မိုးယုဒကဲ ပါ်ကိုင်းကံမ်ဟနီး ကဲစီဒဲးဇူးဒို့ ပါ်လှိုင်းယေရုဆလိင် စာကဲနံင်ရဲန်းတက် ပျေါ်ည်းလှေဒီး။




ဇိုကဲအီးညျေမ်စံဝ်ခရိတ် ကဲဂီဂေါ်ည်းကစုအူန်း ပါ့ခလဲပ်အူဒါ စီမဲးလာ်  
 ဟ်မ်း ဘာည်းဟ်မ်းခူးလောင်းဒါင်း ယာ်ညျေပ်ပါ့ပျိုန်း လေးဒဲးကတိုင်ကတင်  
 ဟည်ကရော်တ်ဒိုပါခလဲပ် ဒီအံက်ဂေါ်ည်းကဲဒီး။ ဓါည်းဒီးအူတည် စီမဲးလာ်  
 အီးတံင်နေးတတ် လော်န်းလာန်းငည်း ဂေါ်ည်းဟောင်းတောင်းကဲ ချေးမွဲချေးအန်း  
 တော်န်းချေး။ ကဲတော်န်းချေးမာ် ဟည်ဘိုန်းဒိုမိညျေန်ချီဆင်းစံဝ်  
 ကဲစီဟည်ကလောင်းလေးဒိုပေါ၊ ကျော့ဂည်မျိုးဟာ်။



ဘိုဝ်ယဲဝ်းတညောင်းကဲအီးဂေါ်ည်း ပါ့လှိုင်းယေရုဆလိင်တတ် ပံင်ဘာည်း  
 လှေခီး ကဲစီဒဲးကစုဒို ပါ့ဒီး။ ကဲမာ် အာမ်းဒိုပေါ၊ခည်း၊ ဂေါ၊မိုးကဲယဲဝ်းတညာ  
 ဝ်း တူအီးညျေမ်စံဝ်ခရိတ်ကဲ ဂီလည်ကလောင်းဒါ်ဒိုကျော့ကဲ လော်င်ပံင်အီး  
 မွဲမ်အာမ်း ပံင်ရဲန်းစံဝ်ဖြား။




တူအီးမာင်ကလံက်ကဲစီဆဲနဒါ်; တံ့ကဲအီးညှဲမ်စံင်ခရိတ်ကဲ ဒါ်;  
 “တူအီးကဲနီး ဟည်မံင်းဒိုဘားယဲဝ်း။” ပေတရုစီယာ်ည်,အောင်းပါဝ်ကလောင်း  
 ဒါင်းဒါင်း ဒါ်; "တူအီးကဲကဲနီး အာဝ်မိုးမ ကဲမံင်းဘား ဘာည်းဒါ်;ပဲနား။  
 ပံင်ဘာည်းလှေ့နီးအခည်း မိုး ဟည်ပေန်ဒဲး; ပံင်ဟောကလောင်းအူန်း ပရောဖဲတ်  
 ယောလ အီးဒါ်; 'ဆာ်စာ်မးဒဲးဆည်းဆုတ်အန်း အံင်းနံင်ဆောင်းဟပ်ဒဲး;  
 ဓိညေန်အံင်းဟံ့'။”



ပေတရုစီဒါ်;လာ်ဘိုး “အိတရေလပဲအိုည် စံင်ယေဆုဒီး မိုးချေးအီးဒါ်;  
 တာန်ခိုးစံင်ဖြား စီရဲန်းဒဲးပံင်အီးမေ့မ်အာမ်းကဲ တော,တံာ်ဘည်ဘာည်းယဲဝ်း  
 နာ်,ပဲ။ မိုးလို့ည် ပဲဟည်တော်ကဲကတံက်ပယာ်မးဗိုန်ချေးဒီး တံင်ရံင်းတံာ်,တည်း။”




"ဘည်ဘာည်းမာ် စံပ်ဖြားဟည်ဒဲး; စံပ်ယေဆု စီးယာ်ညည်,အိမ်းဒဲး;ဒယာ်မ်း  
စာနံင်ပေန်နိုက်ကိုမ်ဒဲး; ပံင်ဟောအူန်းအာည်,နီး။ ယေးကဲကဲနီးမာ် ဟည်မိုးဒိုပေါ,  
ဆံက်ဆေအန်းဟာ်။"



"စံပ်ဖြားစီဇိုက်ဖိုက်စံပ်ယေဆု စီဒဲး;အန်းအံက်ဂေါ်ညည်းညျာတည်းအဲး;အန်း။  
တော,တာ်ဘည်ဘာည်း ပံင်ယဲဝ်းတိုဝ်းပဲ၊ ပံင်ယဲဝ်းတညာ်းပဲ စံင်နည်နီး၊  
စံပ်ဖြားဟည်ဒဲး; ဓိညေန်ချို,ဆငါးစံပ် လေးဒဲး;ဂေါ်ညည်းတေင်းအဲ တော,တာ်  
ဘည်ဘာည်းကတိ ပံင်ဒဲး;အူန်းအန်းဒိုဝ်း။"





"ပဲစီနာ, အူနား စံင်ဖြားဟည်ဒဲး; စံင်ယေဆု အီးမိုးချေးပံင်ပယာ်မ်းဗိုန်ပဲ တံင်တေင်းရံင်းတာ်, တည်းဒီး မိုးပေါ, စံင်ကညားကာည်းချေးအီးချော်တ်လာည်း ဟာ်။"




ဂါဆိုင်မိုး ကဲအီးယေဝ်းတညာ်း ကျားကလောင်းပေတရုဒီး၊ ကဲစီပေန်ဒိုဒို နှေးညှာပ်နှေးဒဲး စီမော, ပေတရု ဒါ်; "ဆာ်မိုးဘာည်းဇဲန်း ဘာည်းမေ့ယေးနံင် လိုရဲန်း။"



ဘိုန်ဇဲန်း ပေတရုစီဗီးကလောင်းတံ့ကဲ၊ ဒါး"ပဲကတ္တည်နော့ပဲ စီဒါးဇိုင်  
 စံဝ်ယေဆုခံမ်လာည်းဘပ်တိစမ်ဇေပ်အဲမ်းနား။ ဆာ်ရဲန်းဘာည်းဇဲန်း စံဝ်ဖြား  
 စီနံင်ပျိုတ်ဒဲးပံင်ကလူည်ပဲ။ ဓါည်းဒီး အန်းစံဝ်စီနံင်ဟပ်ဒဲးဒိုတောင်းပဲ ဓိညေန်ချီ၊  
 ဆင်းစံဝ်။"



တိုင်ဆည်းဒီးအူဆည်းလှိုည်၊ တူအီးကဲစီညေ့မ်လာည်း ခါဝ်ဆတောင်း  
 ကျော့ပံင်ကလောင်း ပေတရု ကဲစီခံမ်လာည်းဒို ဘပ်တိစမ်ဇေပ်အဲမ်း နံင်မိုးပေါ၊  
 ဘံင်အိုည်းဟောင်းဟံ့။ ကဲကဲဒီး ကဲစီမိုးဒို တူအီးစံဝ်ဖြား မိုးကဲအီးလဲပ်စရာင်း  
 စုမ်းညေ့မ်စံဝ်ခရိတ်ဟံ့။



ဂါဆိင်မိုး ကဲအီးညျေမ်စံင်ခရိတ်မာ် စီနာ်,လှိုည်ခိုည်းတညာဝ်းလာည်း  
ပံင်ဟောကလောင်းပနံဝ်းဒဲး စံင်းနာင်းစံင်ကဲ။ ကဲလည်ရဲန်းဘံင်ဖိုင်းဘံင်ဘိုက်၊  
ကစုကရော်မးဟိုမ်းအူဒီ၊ မှာန်းဆူးအူဒီ၊ ကစုခမ္မဂေါ်ည်းတံန်တော,ဒို့အူဒီ  
စီလည်ကဆောင်းဒဲးဘိုး ပံင်မဲးကဲ အူချေး,တံ့အူချေး။ ကဲစီဇိုက်ဖိုက်ခိုည်းတော,  
စံင်ဖြား၊ စီဘိုန်းငါည်း တံ့လအာည်,ကဲအီးဘူညျေမ်စံင်ခရိတ်ကဲ။

# ၄၄။ ပေတရုကာဉ်းယောဟာန် ဆားနှာမ်းဒဲး တူအီးမှာန်း



ဆမဲင်းစံင်နာင်းစံင် ၃:၁-၄:၂၂



မဲးလ်အူဆည်း ပေတရုကာည်းယောဟာန် စီဟာင်းယဲင်းတူအီးမှာန်း  
 ချေးအီးဇ်န်းဘူပေန်အူချေး ဂီအံက်ဂေါ်ည်းတိုင်အိုန်ဒါန်းဟာင်း ပါ်စော်င်း  
 စံင်ဖြား။




ပေတရုစီတိုင်းဒါးအန်းချိုချို၊ စီဒါးလ်တတ်အန်း "အံင်းအာင်မဲးမ ရှိုန်း  
 စာနံင်ဒဲး တတ်မည်း။ ဘည်ဘာည်းမာ် အံင်းနံင်ဒဲး တတ်မည်း ပံင်မဲးအံင်း။  
 ဒါးဇိုဝ်စံင်ယေဆုခရိတ် အီးမိုးကော်န်းလှိုင်းနာဆရဲတ် ယာ်ည်,ဟာင်းနား။"



ဘိုန်ဇဲန်း ချေးဒီးမ် ဟည်ဂဲန်းဟောင်းပေါ,အူတ်န်း။ အန်းစီမဲန်ကာ  
 ဟောင်းလ်ဒါး စီဇိုက်ဖိုက်ခိုည်းတော,ကေးစူးစံပ်ဖြားဟာ်။ တူအီးကဲအီးဂေါ်ည်း  
 ခဲင်းစော်င်းစံပ်ဖြားမ် ဟည်အမ်းဒိုပေါ, ခည်းခည်းဟာ်။




တူအီးကဲမ် စီဒေးဇူးဒိုဒို ပါ်ရိမ်းပေတရ၊ ဘိုန်ဇဲန်း ပေတရုစီဒါ်လ်  
 တာ်ကဲ “ဆိမ်ဘာည်း ပဲဆမ်အမ်းလ် ပံင်ဘာည်းလှေ့နီး။ ချေးနီးဘယ်လ်  
 ယာ်ည်,ဟောင်းဘာည်းညှေ့နီးနီး အာမ်မိုးမ ဂေါ,လိုင်ပံင်နာ်,ပံင်ကံတ်ယေး၊  
 ဂေါ,မိုးလို့ည် လိုင်ဘည်ဘာည်းညှေ့မ်တာ် စံပ်ယေဆုခရိတ်။”



ပေတရုစီဒါ်; “ပဲကဲဒီး ပဲဟည်ပယာ်မးဟော်ည်, စံဝဲယေဆုခရိတ် တောင်းရံင်း တက်,တည်း။ ဘည်ဘာည်းမာ် စံဝဲဖြား ဟည်ဒဲးအန်းယာ်ည်,အီမ်းဒဲး ဒယာ်မးဟာ်။ အီးမိုးလှေခီး စံဝဲဖြား ဟည်ဒဲးအန်းနိုက်ကိုမ် ဘာည်းပံင်ဟောအူန်း ပရောဖဲတ်ကဲ အာည်,နီး မေဆိယနံင်ကညားကီန်းဒည်း နံင်ကညားယာ်မး။ ဘည်ဘာည်းမာ် စံင်နည် ပဲစီလှေ,နော; ကဘွည်ဒဲးဇူး ပါ့ စံဝဲဖြားနား။ ဘိုန်ဇဲန်း စံဝဲဖြား စီနံင်ပျိုတ်ဒဲးလာ် ပံင်ကလူည်,ပဲပါ်ပည်မဲးဟာ်။”



တူအီးဒါင်းကဲအီးဂေါ်ည်းခဲင်းစောင်းစံဝဲဖြားမာ် စီဆိုင်ဇာင်းယာ်း ဂေါ,လှိုင်းပံင်ကလောင်းပနံင်းဒဲး ပေတရုကာည်းယောဟာန်။ ဂေါ,မိုးဘာည်းဇဲန်း ကဲစီကမ်းလက်ကာည်း စီချင်းအူန်း တံင်ကဘေမ်း။ ဘည်ဘာည်းမာ် ကဲအီးယဲင်း တညာ်းကျော့တြားမာ် ဟည်ညျေမ်ဒဲးဒို ့ ကဲအီးညျေမ်ဒဲးကဲကဲဒီး အီးပဲန်း အီးမာည်း စံမ့ကော်န်းဒဲးကဲ ကံပ်ဂေါ်ည်းဒဲးပေါ, ဖာ်န်းဟောင်းလေးဟာ်။



စ်မ်းဒဲးဆည်းဘ်န်း တူအီးဒါင်းယုဒကဲ စီတဲ,ယိုင်းဟောင်းလ်ကာည်း  
 ဟောင်းဇူးပျို လအည်,တားအောဒါင်းတားစောင်းကာည်းတူအီးခလဲပ်အန်းကဲ။  
 ကဲစီမှော,တံ့ကာည်း ဒါ်း “ပဲရဲန်းကဲကဲနီး၊ ပဲဒါးတာန်ခိုးဆီရဲန်း။”




ပေတရုစီမီးဒါ်း “ချေးနီး ဘိုန်းဂဲန်းဟောင်း၊ မိုးလို့ည် ဂေါ,လိုင်စံဝ်ယေဆု  
 ကော်န်းလှိုင်းနာဆရဲတ်။ ပဲမာ် ဟည်ပယာ်မ်းစိုန်အန်း တံင်ရိုင်းတတ်,တည်း။  
 စံဝ်ဖြား စီဟည်မီးဒဲးအန်းယာ်ည်,အိမ်းဒဲး ဒယာ်မ်း။ ပဲကဲဒီးမာ် ဟည်စုန်းစိုန်  
 အန်း။ ဘည်ဘာည်မာ် ဘိုန်ဒဇိုဝ်စံဝ်ဒီး အာဝ်မဲးမ အိုန်ဒါ်န်းအီးဟည်း  
 စာနံင်ကတူးချော်တ်လာည်း။”





ဘိုန်ဇဲန်: တူအီးဒါင်းကဲမာ် ဟည်အာမ်းဒိုပေါ,အခည်းဟာ်။ ဆိမ်ဘာည်း  
ဆံမ်ဒါ်;လတ်ဘာည်းဇဲန်: ဂေါ,မိုးအီးနာ်,အူန်း ပေတရုကာည်းယောဟာန်နီး မိုး  
တူအီးယိုးယိုး နာ်,လှိုင်ဘဲ,စာနံင်ဒါး။ ဘိုန်ဒဲဇဲန်: ကဲဟည်နာ်,အူန်းဘိုး ကာည်း  
မိုးချေးအီးဂေါ်ည်းတံန်တော,ဒဲး တော,စံင်ယေဆု။ ကဲမာ် ဒဲးဆတိကပျံင်  
တမ်းဖးကျော့;တံ့ကာည်းကရီးကတီး စီပွေးကာည်းဗီးဟောင်းဟာ်။

# ၄၅။ ဖိလိပ္ပုကာညှ်း တားအောဒါင်း အိတိယိုးပီးယား




ဆမင်းစံင်နောင်းစံင် ၈၂၆-၄၀




မဲးလ်အူဆငည်း စံင်နာင်းပျံ့ပျိုန်း ပံင်တိုန်းလေးစံင်ကညား စီဒဲးဇူးလ် ပျံ့ဖိလိပု စီဆူည်,ဒဲးအန်းလည်လေးဟောင်း တော,အိုန်ဒါ်နဲးဘျည်းပါင်ဒါင်း အီးလေးဟောင်းဇူး ပျံ့ညှာလှိုင်းဂါဆ။ ဘိုဝ်လည်လေးဟောင်းဖိလိပု၊ အန်းစီဟောင်း ယဲင်းလ် ခြိုဝ်းအီတီယိုးပီးယားအူချေး၊ အန်းအီးမိုးတားဒောဒါင်း ဂီအံက်အူန်း တဲင်းလောအန်း။ ဘိုန်ဇဲန်း ဓိညေန်ချို,ဆငါးစံင် စီဆူည်,ဖိလိပု ဟောင်းကအုပ် ကမိုန် တံ့အန်း။



ဘိုဝ်ဟောင်းစမ်းဖိလိပုတံာ် ပျံ့ရိမ်းလောဒီး၊ အန်းစီယဲင်းတညာင်း ချေးဒီး ဂီဒီးဘဲ,ကျမ်းပရောဖဲတ်ဟောဆာယ။ ဘဲ,ကျမ်းပံင်ဂီဒီးချေးဒီး မိုး "အီးဟည် ယိုင်းဟောင်းအန်း ဘာည်းအီးယိုင်းဟောင်းပူး တိုန်ပယာ်မ်း အီးတံ့အန်း။ အန်းမာ် ကအျဲပ်မိုည်,အန်း အာင်ကျေး။ အန်းကတူးကညား အီးလီလာဆဲန ဘာည်းဟ်း တံ့အန်း၊ အာင်မဲးမ ချေးအီးနံင်ဒါ်, နံင်ရဲန်းဒဲးစာအန်း နှာင်းကံပ်ဆိုင်မှာန်၊ အန်းကတူးကညား အီးလာည်းဗိုန်အဆာက်အန်း။"



ဖိလိပုစီမော့,တားအောဒါင်းဒီး ဒါ်; “မည်းကတ္တူနုန်,လတ် ပံင်ဂီဒီးမည်းဒီး”  
 အန်းစီဒါ်; “အံဝ်းအာဝ်နုန်,မ။ မိုးလံ့၊ ပရောဖဲတ်ဟောဆာယ ကလောင်းဒါ်;  
 လော်င်အန်း။ ဆာ်ဘူမိုးဘာည်းဇဲန်းမာ် မိုးအန်းဂီဒါ်; လော်င်အီးခွေးဟည်း  
 ဟိုဝ်။”



ဘိုန်ဇဲန်း ဖိလိပုစီမီးကလောင်းနဲ့ တံ့တားအောဒါင်းဒီး၊ ဘဲ,ကျာမ်း  
 လှေပံင်ဂီဒီးအန်းဒီး မိုးဟောဆာယ ကလောင်းဒါ်; လော်င်စံဝ်ယေဆု။ အန်းစီဒါ်  
 ဘိုး ဘဲ,ကျာမ်းလှေအီးဟည်း စီဟောကလောင်းဟာဝ်း ဩးအီးမဲ့မ်ခိုည်း  
 အီးမိုး လော်င်စံဝ်ယေဆုဟံ့။



ဘိုဝ်ဟောင်းစ်မ်းကာည်းတတ် ပါ့ဒီမဲးတံ့အဲမ်း၊ အီးမိုးချေးဒီး စီဒါး  
 “နီး၊ ပါ့နီး ဟည်မဲးအဲမ်း၊ အံးနံင်ခံမ်လာည်း ဘပ်တိစမ်ဇဲပ်အဲမ်းနား။”  
 အန်းစီဆူည်, ဒဲးလောအန်း ဇံင်းကိုတ်ဟံ့။



ဓါည်းဒီး ကာည်းစီလဲပ် တိုင်ခဲင်းအဲမ်း၊ ဘိုန်ဇဲန်း ဖိလိပုစီဒဲးဘပ်တိစမ်  
 ဇဲပ်အဲမ်း တံ့တားအောဒါင်းဒီးဟံ့။ ဘိုဝ်ဟော်ည်, ရဲန်းတံ့ဘာည်းဇဲန်း  
 နှာင်းဖိလိပု စီးဆိုင်ဟောကလောင်းဟောင်းဘိုး လော်င်စံပ်ယေဆု၊ အီးမိုးဓိညေန်  
 ချီ, ဆင်းစံပ် စီတဲ, ယိုင်းဟောင်းပေါ, ဖိလိပု ပါ့ဒီဟည်း။



တားအောဒါင်းဒီးမ် ဟည်နားတိုင်းအခင်း၊ အန်းစီဗီးဆိုပ်လည်လေး၊  
ဟောင်းလတ်ဘိုး တော့အိုန်ဒါန်းဟောင်းအန်းဒီး။



# ၄၆။ ဘဉ်ဘာဉ်းပေါလု ညှိမ်ဒေးစံင်ခရိတ်



ဆမဲင်းစံင်နာင်းစံင် ၆:၈-၈:၃၊ ၉:၁-၂၅






တတေဖန်မိုး၊ ချေးအန်းအီးအော တံင်စုမ်းညှော်မံင်ခရိတ် အာည်နီး။  
 အန်းမိုးချေးအီးဘိုန်းဇိုဝ်ဘိုန်းငါည်း တံင်လအာည်အီး၊ ဝိညေန်ချို၊ဆငါးစံင်မာ်  
 နိုက်ကိုမ်ပေါ၊တေင်းအန်း။ အန်းစီရဲန်းနဲ့ ပံင်အီးမေ့မ်အာမ်းတော်န်းမျိုး စီကလောင်း  
 နဲ့ တံင်တူအီးတော်န်းချေး၊ ဘည်ဘာည်းနံင်လိုညှော်မံင်လာည်းဒို စံင်ယေဆု။



မဲးလာ်အူဆငည်း အန်းစီဂီကထင်းကလောင်းဒါး တံင်တူအီးဒါင်းယုဒကဲ  
 လော်င်စံင်ယေဆု။ ကဲမာ် ဟည်ဆိင်ဇောင်းပေါ၊ခည်း တံင်အန်း။ ကဲလီလာခလံင်  
 ဒါး အန်းဒါးကလူည် တံင်စံင်ဖြားကာည်းမောဆေ။ ဓါည်းဒီး ကဲစီကမ်းအန်း  
 စီဟောင်းတိုန်း ပါလအာည် တားအောဒါင်းတားစော်င်းကဲ ကာည်း တူအီးဒါင်း  
 ယုဒကဲဟံင်။




တားအောဒါင်းတားစောင်း စီမော့အန်း ဒါး “ကျော့ပံင်ကလောင်းဟောင်းကဲ ကဲနီး ဟည်မိုးဒိုအခည်းဟိုင်။” အန်းစီစီးကလောင်းဒါး “တူအီးတိုင် ကလောင်းဒည်း အီးရဲန်းပံင်ခနေးပဲ၊ ပဲမာ် စုန်းစိုန် ဓိညေန်ချို၊ဆင်းစံင် ဘာည်းပေါ၊ကုန်းတားပဲ စုန်းစိုန် စံင်ဖြား၊ အီးမိုးပရောဖဲတ်ကဲမာ် ဟည်ပယာ်မးစိုန်။ ပဲကဲနီး ဟည်ပယာ်မး စိုန်စံမဲမေဆိယ ပံင်တိုန်းဒေးစံင်ဖြား။”



ဘိုင်ယဲင်းတညောင်းကဲတ် ပံင်ဒါးအန်းဒီး၊ ကဲစီဘိချိုက်ကဲ စီအောင်းပါင် ဒါင်းဒါင်း။ ဓါည်းဒီး ကဲစီယိုင်ဟောင်းအန်း ညှာရ်ညည်လှိုင်။ ကဲစီတေးဒါးလ္လိန်းမာ်း စေတ်လာင့်ဟပ်အန်း တော်အန်းကံပ်ယာ်မးဟောင်းဟာ်။



ဇိုကဲဂီဒါး ကြိုန်းမာဝ်းစေတ်လာင်ဟပ်အန်း၊ အန်းစီမှာန်းဆူး ဒါး “အိုဝ်  
 စံဝ်ယေဆု၊ မည်းတေ၊လာည်းအူန်း ဓိညေန်အံဝ်းနား။” ဓါည်းဒီး အန်းစီအံက်  
 ဆကျူ၊ တကေပ်ကေန်းဂျိုင်းအန်း၊ ဒါး “အိုဝ်စံဝ်ကညား ပျိုတ်ဒဲးပံင်ကလူည်၊  
 ကလေပ်ကဲနား။” အန်းစီအောင်းမှာန်းဆူးဖားဘာည်းဇဲန်း စီယာမ်းဟာဝ်းပေါ၊။




မေးလာ်တူအီးအူချေ့၊ အန်းအီးဇိုဝ်ဆောလု၊ အန်းမာ် ဒဲးညွာ်မးတော၊က  
 အီးပယာ်မးဗိုန် တတေဖန်ဒီး၊ အန်းမိုးအီးတိုဝ်းမေန်းဒဲးဂျိုး ကဲအီးဒါးကြိုန်းမာဝ်း  
 ကယာင်ပယာ်မးဗိုန် တတေဖန်။ တံင်ဆည်းဒီး ကဲအီးညေ့မ်စံဝ်ခရိတ်ကဲမာ်  
 စီကညားအီးရဲန်းမိုက်၊ ဂေါ၊မိုးဘာည်းဇဲန်း ကဲစီကကားကစာက်ကစာည်စာ်မး  
 ဟာဝ်းဒို့ တော်န်းဒီဟာ်။




ဆောလုစီလုယံလ် ဟိုက်အူခလဲပ်လဲပ်အူခလဲပ် ကမ်းအီးပဲန် အီးမာည်းကဲ ဟောင်းဟပ်တံင်ကဘဲမ်း၊ အန်းဂီဒဲးယောင်းကီန်းဒည်း တံ့ကဲအီး ညှေမ်စံင်ခရိတ်ကဲ။ ဆောလုဒီး အန်းဘိုန်းအခွါင်း တံ့တားစောင်းကဲ စာနံင်ကမ်း ဖ်း ကဲအီးညှေမ်စံင်ခရိတ် အန်းအီးဂေါ်ည်းပျို လှိုင်းဒမာတဲတ် ယိုင်းကဲဒဲးဇူး ပျိုလှိုင်းယေရုဆလိင်။




ဇိုယာမ်းဟောင်းဆောလုတံာ် ပျိုလှိုင်းဒမာတဲတ်၊ အီးမိုးကဒည်အိုန်ဒါ်နဲးအူဒီး စံင်ယေဆု စီယာ်ည်ပျိုပျို နဲးလေးဒဲး ဘာည်းပေါ့ပျိုင်ဒါင်း ဟိုဝ်လေးဒဲးဂေါ်ည်း တောင်းအန်း၊ စီမော့ဒါ် “ဆောလု၊ ဆောလု ဆိမ်ဘာည်း မည်းဆံမ်ဂီတော့လ် ရဲန်းမိုက် တံ့အံင်။” ဘိုန်ဇဲန်း ဆောလုစီဒါ် “အိုဝ်စံင်ကညား၊ ဆီမည်း မိုး၊” စံင်ယေဆုစီဒါ် “အံင်မိုး ယေဆု ချေးပံင်ဂီတော့ရဲန်းမိုက်မည်း။”



ဘိုဝ်းဗီးယာ်ညး,ဇံင်းဆောလု အီးမိုးငါညးအန်းမာ် ဟည်ဘူယဲဝ်းမတိုဝ်းဆိ။  
 တူအီးကဲစီတိုတ်တည်းအန်း အောလဲပ်ဟောင်းလ်အန်း ပါ်လှိုင်းဒမာတဲတ်ဒီး။  
 ဆောလုဒီး အာဝ်ဟိုမ်းအာဝ်စိုင်းမဆိ ခဲင်းဘျည်းအိုည်းဆည်း။



ဓါညးဒီး စံပ်ဖြားစီကညွူးဒေးဇံင်း ပါ်လအာည်,အာနနိ၊ အီးမိုးချေးအီး  
 ညေ့မ်စံပ်ခရိတ် အန်းအီးဂေါ်ညးခဲင်းလှိုင်းဒမာတဲတ်၊ စီဒါ် တံ့အန်း “မည်း  
 ဟောင်းဇူး ပါ်ခလဲပ်ဒိဂေါ်ညးဆောလုနား။ မည်းစီတာင်မည်း တဲင်းအန်း စာ ငါ  
 ညးအန်း နံင်ဗီးယဲဝ်းတိုဝ်း။ ဂေါ်,မိုးအံဝ်းဟည်ရော; လာညးအူန်းအန်း နှာင်း တူ  
 အီးမျိုးဟည်း ကံပ်နာ်,ဒိုအံဝ်း။ အံဝ်းနံင်နဲဒဲးအန်းနာ်, ကီန်းဒည်းပံင်နံင်ခံမ်အန်း စာ  
 အံဝ်း။” ဓါညးဒီး အာနနိစီဟောင်းမှာန်းဒဲးဆူး စာဆောလု။ ဆောလုမာ် ဟ  
 ညးဗီးယဲဝ်းတိုဝ်းဒေးပေါ်။



ဆောလုမာ် ဟည်ခံမ်လာည်းပေါ၊ ဘပ်တိစမ်ဇဲပ်အဲမ်းအူတ်နး။ ဓါည်းဒီး အန်းစီတယ်ဟောတြား ကလောင်းတံ့ယုဒကဲ ဒါ်း "စံဝ်ယေဆုဒီး မိုးပေါ၊ကော်နး စံဝ်ဖြားအခည်းဟံ့။" ဘိုဝ်ယဲဝ်းတညောင်းယုဒကဲတံာ် ချေးအီးရဲန်းမိုက်း တံ့ကဲ အီးညှဲမ်စံဝ်ခရိတ်ကဲဒီး၊ ဟည်ဗီးပေန်ဒေး အီးညှဲမ်စံဝ်ခရိတ်၊ ကဲကံပ်အာမ်းဒို့ ပေါ၊။ ဆောလုစီနဲဆံက်ဆေ တံ့ယုဒကဲ ကထဲင်းဒါ်းဘည်ဘာည်း စဝ်ယေဆုဒီးမိုး မေဆိယအခည်း။ ဓါည်းဒီး တူအီးကဲစီနာ်ဒေး ဆောလုဒီး ဟည်ကညွည်ဇိုဝ်အန်း ဒါ်းပေါလု။



ဘိုဝ်ဟည်လှာ်နးဒေး ယုဒကဲ စီဒါ်းနံင်ကျာမ်ပယာ်မ်းဗိုန် ပေါလု။ ကဲစီအူန်း တူအီးပည်ကဲ ပည်အူန်းမိုည်ပလိုးလှိုင်း စာနံင်ကျာမ်ပယာ်မ်းဗိုန် ပေါလု။ ဘည်ဘာည်းမာ် ဘိုဝ်ယဲဝ်းတညောင်းပေါလုတံာ် ပံင်နံင်ရဲန်းကဲ တံ့အန်း၊ ကဲအီး ညှဲမ်စံဝ်ခရိတ်ကဲမာ် ကဇော်ညဲဒေးအန်း နံင်ကံပ်လော်တံာ်ဒ အီးဒီး။ ကဲစီဟပ်ပေါလု တံင်ကတဲဝ်းဂျိုက်၊ စီဒါ်းဓါည်းဘက်ပျိုးလေးအန်း ဒတဲင်း ရဲင်းလှိုင်းလှိုင်းဒီး ခည်ဆဲမ်း။ ပေါလုစီလည်လေး ဒဲင်းဟာဝ်း ဒဒီး၊ စီဆိုပ်ဟောကလောင်းဟာဝ်းဘိုး လော်င်စံဝ်ယေဆုဟံ့။




# ၄၇။ ပေါလုကာဉ်းတိလ စ်မ်းပျံ့လှိုင်းဖိလိပိ



ဆမဲင်းစံင်နာင်းစံင် ၁၆:၁၁-၄၀





ဘိုဝ်လှာ်နးဒဲးဆာ်နမ်းအန်း၊ ပေါလုကာည်းဘံဝ်ဖိုင်းအန်း အီးမိုးတိလ၊  
 ကာည်းစီလုယ်လ်ဟောကလောင်း ခါဝ်ဆတောင်းအီးမွဲမ်ခိုည်း ပါ်လုင်းဖိလိပိ။  
 ခဲင်းလုင်းဒီး ကာည်းစီယဲဝ်းအီးပဲန့်အူချေး အီးဇိုဝ်လုဒိ အန်းယံင်းတဆီးကံမ်။  
 အန်းမိုးဘိုး ချေးအီးညှေ့မ်ဂျေပ်စံပ်ဖြား အူချေးဟာ်။



စံပ်ဖြားစီဗိုဝ်းဒဲးပိုင်းနော့အန်း စာအန်းနံင်ကညွးနာ်, ခါဝ်ဆတောင်းအီး  
 မွဲမ်ခိုည်း လော်င်စံပ်ယေဆု၊ ဘိုန်ဇဲန်း အန်းကာည်းတူအီးခလဲပ်အန်းကဲ  
 စီခံမ်လာည်းဘပ်တိစမ်ဇဲပ်အဲမ်း။ ဓါည်းဒီး အန်းစီတဲ, ပေါလုကာည်းတိလ  
 ဒဲးဒါမ်း ပါ်ခလဲပ်အန်း။ ပေါလုကာည်းတိလမာ် စီဟောင်းဒါမ်း ပါ်ခလဲပ်အန်း။




ဇိုဂီဂေါ်ညး ပေါလုကာညးတိလ ပါလုံင်းဖိလိပိဒီး၊ ကာညးစီဂေါ်ညးဂေါ်ညး  
 ဟောင်းမှာန်းဆူး။ မဲးလ်အူဆငညး ဇိုဂီဟောင်းကာညး ပါဒီမှာန်းဆူး စီမဲးလ်  
 အီးပဲန်ပံင်ဆူညး၊ အီးကန်မ်းဇေင်လဲပ်အူချေး စီတော၊ဒေးလဘာန်း ကာညး။  
 အီးပဲန်ချေးဒီး အန်းဘယ်ဟောပေတောင်ကာလား၊ ဘယ်ရဲန်းဒဲး နှာင်းကညျားအန်း  
 ကဲ ဘိုန်းဂိုန်းရိုန်း။




အန်းစီအောင်းပါဝ်ဒါး "ကဲကဲနီးမိုး ပံင်ဆူညးစံင်ဖြားအီးဒါင်းဇားဒိုခူအီး။  
 ကဲဟောကလောင်းဒဲးတံ့ပဲ စာပဲနင်ကတူ၊ ချော်တ်လာညး။" ဂေါ၊မိုးအန်းဂီ  
 ကည်ကည် အောင်းပါဝ်ဘာညးဇဲန်း၊ ပေါလုမာ် ပေန်နေားချူက်ဒဲး ပေါ၊ခည်း။




မဲးလ်အူဆည်း ပေါလုစီဟောင်းဇူး ပါ အီးပဲန်ဒီး၊ စီဒါးတံ့ကန်မ်းဇေဝ်ဒီး  
 "အံးဒါးဇိုင်စံဝ်ယေဆု မည်းလည်လေးဒဲးဟောင်း ဒအန်း။" စံန်အန်းဒါးဟော်ည်၊  
 ဘာည်းဇဲန်းမံ ကန်မ်းဇေဝ်ဒီး ဟည်လည်လေးဒဲးဟောင်းပေါ၊ ဒခဲင်းတိုး  
 အီးပဲန်ဒီးဟံ့။



ဘိုင်ယဲဝ်းတညောင်း ကညားပံင်ဆူည်၊အီးပဲန်ဒီးတံ လောင်လှေဒီး၊ ကဲစီ  
 ဆိုင်ဇာဝ်းပေါ၊အည်းဟံ့။ ဆိမ်ဘာည်းဆံဒါးလ်ဘာည်းဇဲန်း ဂေါ၊မိုး အီးပဲန်  
 ဒီး ဟည်ဘူဘယ်မလ်ရဲန်းဒဲး ကဲဘိုန်းရိုန်းခြီး။



ဂေါ,မိုးဘာည်းဇဲန်း ကဲစီကမ်းငါးဖ်း ပေါလုကာည်းတိလ စီဟောင်းချင်း  
အူန်းကာည်း ဂေါည်းပါ့ ခဲင်းကဘဲမ်း။



ဘိုန်ဇဲန်း ပေါလုကာည်းတိလ စီကညားအီးညာပ်အူန်းဇ်န်းကာည်း၊  
ကတူးဘိုး အီးချင်းအူန်းကာည်း ဂေါည်းပါ့ ခဲင်းကဘဲမ်း ဟော်င်ခခဲင်းဒိုအီး။  
ဘိုဝ်စ်မ်းဒေး ကဒည်ဆဲမ်း၊ ကာည်းစီဒါးဆကျင်း ဇိုက်ဖိုက်ခိုည်းတော,ကေးစူး  
စံဝ်ဖြားဟာံ။




ဘိုန်ဇဲန်း အီးမိုးအိုင်ဆန် စီလယူးဒေးကတိုက်ကတင် မိုညံ့ပလိုးကဘေမ်း  
 မ် ဟည်ခိုင်းဟောင်းဒို။ ဓါည်းလှဲက်းအီးဘက်အူန်း တူအီးဇေးကဘေမ်းကဲမ်  
 ဟည်ကဘျိုဝ်းဟောင်းဒို။




ဘိုဝ်ယေဝ်းအန်းအီးပည်ကဘေမ်းဒီးတတ် မိုညံ့ပလိုးကဘေမ်း ဟည်ခိုင်း၊  
 အန်းမ်ဟည်ဒိုင်မိုး တူအီးဇေးကဘေမ်းကဲ ဟည်ဒဲင်းဒို၊ အန်းစီရိန်းဒါး  
 နံင်ပယာမ်းဗိုန်တိုးအန်း။ (ဂေါ၊မိုးအန်းဟည်နာ်၊ ဆတ်တူအီးဇေးကဘေမ်းကဲ  
 လော်တ်ဒဲင်းဟောင်း အန်းနံင်ကညားယာမ်း)။ ပေါလုစီယေဝ်းအန်းအီးပည်  
 ကဘေမ်းဒီး ဒါးနံင်ပယာမ်းဗိုန်တိုးအန်း တရောင်းအန်း၊ ပေါလုစီအောင်းပါဝ်ဒါး  
 တံ့အန်း “မည်းခုရဲန်းတံ့တိုးမည်းဘာည်းဇဲန်း၊ ယေးဂီဂေါ်ည်းအူန်းဒို ပျံနီး။”



တူအီးအန်းအီးပည်ကဘဲမ်းဒီးမ် ဟည်ကစားကဒိုန်းပေါ,အည်း၊  
 ဓါည်းဒီး အန်းစီတဲ,လာ် ပေါလုကာည်းတိလ ဓီးပျီ ခလဲပ်အန်း စီဒဲးကာည်း  
 ဟိုမ်းပံင်ဟိုမ်း စီပါည်းဒဲး ဒီဆဲဝ်းကာည်း။ ဓါည်းဒီး အန်းစီဒါး"ဆီအံဝ်းနံင်  
 လိုရဲန်း စာနံင်ကတူးချော်တ်လာည်း။”



ပေါလုစီဓီးဒါး "ညှဲမ်စံင်ကညား အီးမိုးစံင်ခရိတ်နား။  
 ဆာ်ရဲန်းဘာည်းဇဲန်း မည်းကာည်းတူအီးအိုင်ဟိုမ်းမည်းကဲ နံင်ကတူး  
 ချော်တ်လာည်း။” ဓါည်းဒီး ပေါလုစီဒဲးဘပ်တိစမ်ဇဲပ်အဲမ်း တံ့ချွေး  
 အန်းအီးပည်ကဘဲမ်းဒီးကာည်းတံ့တူအီးအိုင်ဟိုမ်းအန်းကဲပါပည်မဲးဟံ့။



ဓါည်းဒီးအူဆငည်း တူအီးဒါင်းခဲင်းလှိုင်းကဲ စီပွေးလည်လေး၊ ပေါလု  
 ကာည်း တိလ ဒကဘဲမ်း၊ စီဆူည်ဒဲး ကာည်းလည်လေးဟောင်း ဒခဲင်း  
 လှိုင်းဖိလိပိဒီး။ ပေါလုကာည်းတိလမာ် စီဟောင်းလှယ် ပါလုဒိ ကာည်း ပါကဲ  
 အီးညှေမ်စံင်ခရိတ်ကဲ၊ ဓါည်းဒီး ကာည်းစီလည်လေးဟောင်းပေါ၊ ဒလှိုင်းဖိလိပိဒီး။  
 အီးမိုးခါင်ဆတောင်းအီးမဲ့မ်ခိုည်းစံင်မာ် ဟည်ကတားဟောင်းဒို၊ အီးမိုးစုမ်းညှေမ်  
 စံင်ခရိတ်ကဲမာ် နာ်လှိုည်ဂိုန်းဒဲး တီက်တီက်ဟာ်။



ပေါလုကာည်းတူအီးဒါင်းအီးညှေမ် စံင်ခရိတ်ကဲမာ် စီလဲပ်အူလှိုင်း  
 လေးအူလှိုင်း၊ ဟောကလောင်း လောင်စံင်ယေဆု။ ကဲစီကိက်တိုန်းဟောင်းဘဲ၊  
 ဒဲးညှော်မ်း တာ်စုမ်းညှေမ်စံင်ခရိတ်ကဲ ပနံင်းဒဲးဘိုးကတိဆတ်စာတမာည်း  
 စံင်ဖြားဟာ်။ အီးမိုးပံင်ကိက်အူန်းကဲကဲဒီး စီမိုးဘဲ၊ကျာမ်းအီးတမာည်းဟာ်။

# ၄၈။ စံဝ်ယေဆု မိုးပေါ၊ မေဆိယ



တနူးကံမ်ဗာ ၁-၃၊ ၆၊ ၁၄၊ ၂၂၊ လည်လေး ၁၂၊ ၂၀၊ ၂ ဆမိုည်လ ၇၊  
ဟေဘျဲ ၃း၁မှ၆၊ ၄း၁၄-၅း၁၀၊ ၇း၁-၈း၁၃၊ ၉း၁၁-၁၀း၁၈၊ ပံင်နံင်ဘာည်းဒဲး  
၂၁





ခည်ဖာန်ပွေးစံင်ဖြားတတ် ကံမ်ဖာဒါင်းနီး အန်းချမ်းဒိုပေါ,ခည်းပါ ဒိုဒိုဟာံ။  
 အိုင်ဂွဲတ်ဒါးအီးမာ် လျံမ်မဲးမ၊ အာဒံမ်ကာည်းအေဓမာ် ကာည်းလည်ကမဲး  
 ပေါ,ခည်း။ စံင်ဖြားမာ် ကာည်းကမဲးညှော်မပေါ,အခည်း။ အီးမိုးဆဲင်း၊ ယာ်မ်း  
 ဒါးအီးမာ် လျံမ်မဲးမ။ အီးနီးဟည်မိုးပေါ, ဘည်ဘာည်းမဲးနေားစံင်ဖြားဟာံ။



ခုန်ဆိုင်အီးဂေါ်ည်းခဲင်းလိုင်ဒီး၊ အန်းစီရဲန်းပေန် ဘာည်းဟန်း စီဟာင်း  
 ကံင်းယော်ခလံင်း အေဓ။ အာဒံမ်ကာည်းအေဓ စီရဲန်းပံင်ကလူည်, တံင်စံင်ဖြား။  
 ဂေါ,မိုးပံင်ကလူည်,ရဲန်းဒဲးကာည်းဒီး အီးမိုးဆဲင်း၊ ယာ်မ်းဒါးအီး စီဟည်တ်မ်း  
 ဒဲးတဲင်းတူအီးကံမ်ဖာနီးပါပည်မဲးဟာံ။



ဂေါ,မိုးပံင်ကလူည်,လှေဒီး၊ တူအီးကာည်းစံင်ဖြား ဟည်လည်ခညျာန်းဒိုင်း။  
 ဂေါ,ပံင်ကလူည်,ဒီး တူအီးတော်န်းချေး၊ စီကိုတ်းပေန်ဒေးယာန်ဆူ တံ့စံင်ဖြား။  
 ဘည်ဘာည်းမာ် စံင်ဖြား စီမီးတဂဲန်းဒါ်;နံင်အိုမ်ဘျာည်း ပံင်လှဲဝ်ဟောင်း  
 ဂေါ,ပံင်ကလူည်,ဒီး နှောင်းကံပ်မီးချို,ဒေးဒိုဘိုး။




စံင်ဖြား ဟည်ဒါ်;အူန်း တံင်ခြိုဝ်းအေဓဒီးအူချေး၊ အန်းနံင်ညျေ, ကဲန်း  
 ခုန်ဆိုင်ဒီး၊ ခုန်ဆိုင်ဒီးမာ် နံင်မီးစိုက်ဟပ် ကနူည်,အန်း။ ပံင်ဆိုင်ဒါ်;လှေနီး မိုး  
 ခုန်ဆိုင်ဒီး နံင်ပယာ်မးစိုန် စံင်ယေဆု။ ဘည်ဘာည်းမာ် ဆာ်ဘိုန်းအိုည်းဆငည်း  
 စံင်ဖြားစီနံင်ဒဲး အန်းမီးယာ်ည်,အိမ်းဒေး ဒယာ်မး။ တော,တက်ဘာည်းဇဲန်း  
 စံင်ဖြားစီငါ်;ယာ်;လှဲဝ်စိုန်ဒို တာန်ခိုးခုန်ဆိုင်။



ခည်ယာမ်းစံင်ဖြား ဒါးအဲမ်းဒါင်း ခိုည်,ဗိုန်ကံမ်ဖာဒါင်းနီး၊ အန်းဟည် စင်ချင်ဒဲး ကလဲ,ဟိုဝ်းဒါင်းအူလံမ်း စာအန်းနံင်ချော်တ်လာည်း ကဲအီးညျေမ် အန်းစံင်။ တော,တက်ဘာည်းဖဲန်း တူအီးကဲဘည်ကညားဆိုမ်းဟောင်း ဂေါ,ပံင်ကလူည်,ကဲစံမ်မာ် စာကဲအီးညျေမ် စံင်ယေဆုအခည်း၊ စံင်ဖြား ဟည်စင်ချင်အူန်း အိုန်ဒါ်နီး စာနံင်ကတူးချော်တ်လာည်း။




မာလာခိဆေဒဲတ် မို; တားစော်င်း ချေးအီးဒဲးကောင်းမင်ကလာ တံ့အာဘရာဟံမ်ဟံ့။ အီးမို;စံင်ယေဆုမာ် မို;တားစော်င်းအူချေး ဘာည်းမာလာခိ ဆေဒဲတ်။ ဘည်ဘာည်းမာ် စံင်ယေဆုအခည်း၊ အန်းမို;ပေါ, တားစော်င်းအီးဒါင်း မှယ်ဒိုုအီးဟံ့။ စံင်ယေဆုဒီး အန်းခံမ်ယာမ်းလို့ည်အူဘော်က်စီစော်န်းဗိုန်တိုးအန်း စာတူအီး။ ပံင်ခံမ်ယာမ်းအန်းဒီး မို;ပေါ,စာနံင်ပါည်းဗိုန် ပံင်ကလူည်,တူအီး ပါ်ကတာည်းကံမ်ဖာဟံ့။



စံဝ်ဖြား စီဒါ်;တံ့အာဘရာဟံမ် "ဂါဆိင်မိုး၊ ခြိုဝ်းမျိုးတူအီးတေင်ကံမ်ဖာနီး ပါပည်မဲးမံ နံင်ဘိုန်းပေါ,ကောင်းမင်ကလာ လိုင်းမည်းနား။ စံဝ်ယေဆုဒီး မိုး အန်းအီးယာ်ည်,ဒေ; တံင်ခေင်ခြိုဝ်းအာဘရာဟံမ်။ ဂါဆိင်မိုး၊ ခြိုဝ်းမျိုးတူအီး တေင်ကံမ်ဖာနီးပါပည်မဲးမံ ကဲဟည်ဘိုန်းဒိုကောင်းမင်ကလာ လိုင်းစံဝ်ယေဆု။ ဆိမ်ဘာည်းဆံမ်ဒါ်;လ်ဘာည်းဇဲန်း ဂါဆိင်မိုး၊ ကဲအီးညှေမံစံဝ်ယေဆု ဟည်မိုး ပေါ,တူအီးပံင်ရော;လာည်းအူန်းစံဝ်ဖြား၊ ဟည်မိုးစံမံ ကော်န်းလှာန်အာဘရာဟံမ် ညှာခည်မိညေန်ဟံ။"



စံဝ်ဖြား စီတိုန်းလေးဒေ;ပူးအူတို တံ့အာဘရာဟံမ် စာနံင်ပယာ်မ်းလူဒဲ; တာင်စာအိဆဲတ်။ စံဝ်ယေဆုမံ စီဘာည်းပေါ, ပူးဒီး။ ဆိမ်ဘာည်းဆံမ်ဒါ်;လ် ဘာည်းဇဲန်း အန်းဟည်ခံမ်ယာ်မ်းဒဲ;ဒို တာင်စာအဲပါပည်မဲး။ ချေးမဲ့ဘူဒါ်; အန်းကိုင်ကတူးယာ်မ်း ဂေါ,မိုးလိုင်းပံင်ကလူည်,။ ဘည်ဘာည်းမံ စံဝ်ဖြား တိုန်းလေးဒေ; စံဝ်ယေဆု စီယာ်မ်းတာင်စာအဲ။



ခည်တဟော်ည်,စံပ်ဖြားတတ် အန်းဒဲးဖေး ဇေးတဲင်းကိုင်းအီဇိပ်ဒီး၊  
 ဂါ,ဆိင်မိုးအိတရေလကဲတော်န်းအိုင်ဟိုမ်းဒီး ကဲစီကတူးပယာ်မ်းပူး တိုအီးချို၊  
 ဆငါးအန်း စီကျည်းနှမ်းအန်း တံင်မိုည်,ပျိုးခလဲပ်ကဲ။ စံင်နှာင်းပျိုပျိုန်း  
 ပံင်တိုန်းဒဲးစံပ်ဖြား စံန်ကဲယဲင်းနှမ်းမာ် ကဲစီခလေားဟောင်းပေါ,ခလဲပ်ဒီး  
 အာပ်ပယာ်မ်းဓိုန်မ ကော်န်းအီးမာည်းဒါင်းကဲ။




စံပ်ယေဆု စီတံင်နှေးပေါ, ပူးဒဲးအူတို ပံင်ဒါးတံင်ပျိုည်းပတခါ။ အန်းမိုး  
 အီးပေန်အီးပဲန်း၊ အာပ်မဲးမပံင်ကလူည်,မျိုးမဲး။ အန်းမာ် ကညားပယာ်မ်းဓိုန်  
 အချိုင်ရဲန်းအီးတတ် ပျိုည်းပတခါ။ နှမ်းစံပ်ယေဆုဒီး မိုးအီးပါည်းဒဲး  
 ပံင်ကလူည်,တူအီးပါ်ပည်မဲး၊ စီဒဲးဘိုး အဲဘိုန်းလော်တ်ဒ တံမ်ပံင်ဒဲးစံပ်ဖြား။



စံင်ဖြားရဲန်းဒေးကတိဆတ်စာ တံာ်အိတရေလကဲ အီးမိုးတူအီးပံင်ရေး  
 လာည်းအုန်းအန်း။ အီးမိုးခဲင်းကတိဆတ်စာ အီးတမာည်းဒီး ဂါဆိင်မိုးခဲင်း  
 ခြိုဝ်းမျိုးတူအီး မျိုးမွဲဘူဒါ်; ဆက်ကဲညှဲမ်စံင်ယေဆုအခည်း ကဲဟည်ပေန်ဒေး  
 တူအီးပံင်ရေးလာည်းစံင်ဖြားဟံာ်။



မောဆေမိုးပရောဖဲတ်များတ်ဒါင်းအူချေး၊ မိုးအီးဟောကလောင်းဒေး  
 ကျေးတြားစံင်ဖြားဟံာ်။ စံင်ယေဆုမာ် မိုးပရောဖဲတ် ဘာည်းမောဆေ။  
 စံင်ယေဆု မိုး ပရောဖဲတ်များတ်ဒါင်းမှယ်ဒိုအီး၊ ကျေးစံင်ဖြားမာ် မိုးပေါ,အန်း  
 ဟံာ်။




စံပ်ဖြားစီဒဲးအူန်းကတိတံ့ဒါဇေက် ဒါး "မေဆိယနီး အန်းနံင်မိုးပေါ၊ တံင်ခြိုဝ်းမျိုးမည်းအူချေးနား။" စံပ်ယေဆုအီးမိုးမေဆိယဒီး မိုးခဲင်းခြိုဝ်းမျိုး ဒါဇေက် ဟည်မိုးပေါ၊အီးဗျာတ်ဒါင်းအူချေးဟံ့။



စံပ်ယေဆုမာ် မိုးတားကညျားဒါင်းအူချေး ဘာည်းဒါဇေက်ဟံ့။ မိုးလို့ည် အန်းခည်း မိုးတားကညျားဒါင်း အီးတိုဝ်းမေန်း ပ္လိန်းကာည်းကတာည်းနီး ပါပည်မဲးဟံ့။ စံပ်ယေဆု နံင်းဗီးလေးဒဲးဘိုး အန်းနံင်တိုဝ်းမေန်းဟောင်း ကိုင်းအန်း ဆိုဝ်ဆိုဝ်မှာန်မှာန်၊ နံင်ဒဲးအန်းဂေါ်ည်းတခိုည်းဟောင်းဟံ့။

# ၄၉။ ကတိဆေတံစာ တမာညည်း ပံင်ရဲရဲန်း စံင်ဖြား



ယောမ ၃:၂၁-၂၆၊ ၅:၁-၁၁၊ ယောဟာန် ၃:၁၆၊ မာကု ၁၆:၁၆၊  
ကောရဲင်တု ၁: ၁၃-၁၄၊ ၂ တဲတ်တာလောနဲက် ၅:၁၇-၂၁၊  
၁ယောဟာန် ၁:၅-၁၀







မာစံဝဲယေဆု ချေးအီးဇိုင်မာရိဒီး ခည်ဇိုင်ကိုတ်ပျေးဒဲးအန်းတတ်  
 စံဝဲယေဆု၊ အန်းတိုက်ဂီမိုးလို့ည် အီးလိုည်းစေတ်၊ အန်းညျမ်ဂေါ်ည်းတံန်တော၊မ  
 တတ်အီးမာည်းချေးမဲ့။ ဆိမ်ဘာည်းဆံမ်ဒါးလတ်ဘာည်းဇဲန်း စံဝဲယေဆုဒီး  
 မိုးပေါ၊ကော်န်းစံဝဲဖြားအခည်း။ အန်းစံဝဲဟည်မိုးပေါ၊ စံဝဲဖြားကာည်းတူအီး  
 အူတ်န်း။



စံဝဲယေဆုဒီး စာနံင်နဲ့ဒါးတတ် အန်းမိုး စံဝဲဖြား၊ အန်းရဲန်း ပံင်အီးမဲ့မ်  
 အာမ်းတော်န်းမျိုးဟတ်။ အန်းဟောင်း တေင်းအေမ်း။ အန်းဆူည်၊ဒဲး မားအေမ်းဒါင်း  
 ကာည်း ခူးဒါင်းကိုတ်။ အန်းဆားနာမ်းဒဲး တူအီးဆဝ်းကဲ။ အန်းချူးလည်လေး  
 ကနမ်းဇေဝ် ဒတူအီး။ တူအီးယမ်းမတ် အန်းရဲန်းကံပ် စီးအိမ်းဒေဲးဘိုး။  
 အန်းချိုင်းဒဲး တူအီးဖ်န်းဟောင်းကဲ ဒါးလို့ည် ခမူန်းဖ်န်းပိုင် ကာည်း ကားအယ်  
 တိုး ဒဲးကဲဟိုမ်း ကံပ်ဖည်း။



စံဝ်ယေဆုဒီး မိုးစံမ် ဩအီးပေန်အီးပဲန်း အူချွေး။ အန်းစံဝ် ပနံဝ်နဲ့  
ဘည်ဘာည်း အဲတူအီး လိုဆမားလည်ကမဲး တံ့ပီဓါးအန်းအီးဂေါ်ည်းကတ်မ်  
ရီမ်းအဲ ဘည်ဘာည်းအဲ ကမဲးတိုးပိုင်းအဲ။



ဒဇဲန်းအာဝ်ဓါ်န်း အန်းပနံဝ်ဒဲးဘိုး ဘည်ဘာည်း အဲနံင်လိုကမဲးစံဝ်ဖြား  
နှာင်းမှယ်ဒို့ ဘာည်းအဲကမဲး ဂျိုးဂျာမ်းအုက်စာအဲ တော်န်းမျိုး။



စံဝ်ယေဆု ပနံဝ်နဲဒဲးဘိုး လော်င်ဘည်ဘာည်းချော်တ်လာည်းနိုး  
အန်းမဲးငေါးမဲးခံန်း မှယ်ဒို ဂါဆိုင်မို; အီးဂေါ်ည်းတေင်းကံမ်ဟနိုး။




စံဝ်ယေဆု ပနံဝ်နဲဒဲးဘိုး တူအီးကဲတော်န်းချေ; နံင်အာင်ညှေမ်လာည်း  
အန်းစံဝ်၊ နံင်အာင်ကတူးမ ချော်တ်လာည်း။ ကဲအီးဘူကတူးချော်တ်လာည်းကဲဒီး  
ဆာ်ကံမ်ဟနိုး ဆူတ် ကဲနံင်ကတူးဇေး; ငည်းရာည်း ကတူးငည်းက္လိ၊ဟောင်းကဲ  
ပေါ်ဇိုဟာ်။



စံဝ်ယေဆု စီပနံဝ်ဒဲးဘိုး ဘည်ဘာည်းစံဝ်ဖြားကမဲးပေါ,အခည်း  
 တူအီးမဲးပံင်ကလူည်,ကဲ။ အန်းစံဝ်ဟည်တံန်းအူန်းဆေဆေ စာနံင်ပျိုတ်ဒဲး  
 ပံင်ကလူည်,ကဲ။ အန်းဆိုင်ဒဲးတူအီးကဲ နှာင်းမိုးဒိုကော်န်းအန်း။




စံဝ်ယေဆု စီပနံဝ်ဒဲးဘိုး ဘည်ဘာည်းဂါဆိုင်မိုးကဲအီးဂေါ်ည်းတောင်း  
 ကံမ်ဟနီး ရဲန်းပံင်ကလူည်,ကလေပ် ဟည်ဂေါ်ည်းခလျာန်းဒိုင်းဟောင်း ဒစံဝ်ဖြား။  
 ဂေါ,လိုင်ပံင်ကလူည်,ဒီး တူအီးတော်န်းချွေးမံ စီပေနဲဒဲးဒိုယာန်ဆူ စံဝ်ဖြား။  
 စံဝ်ဖြားစီမအဲးကအီးစံင်းပေါ,အခည်း ပံင်ကလူည်,ဒါးအီး။



စံပ်ဖြားစီတိုန်းလေးဒေး အီးမိုးလှိုည်ကော်န်းအီးမာည်းအန်းအူချေး အီးမိုး  
 စံပ်ယေဆု၊ ဂေါ၊မိုး အန်းကမဲးယာဝ်း တူအီးကံမ်ဖာနီး။ ဂါဆိင်မိုးကဲအီးညှေမ်  
 စံပ်ယေဆုအခည်း နံင်ဘူလှိုမဟာဝ်း ပါ့ငည်းရာည်း၊ နံင်ဘိုန်းဂေါည်းဆေတော၊  
 အန်းစံပ်ဟာံ။




ဂေါ၊မိုးလှိုင်းပံင်ကလူည်၊အဲ၊ အဲမာ် ဟည်မိုးပေါ၊ တူအီးမဲးပံင်ကလူည်။  
 ဂေါ၊မိုးဘာည်းဇဲန်း အဲစီကိုင်ယာမ်၊ ကိုင်ပေါ၊တံမ်ပံင်ဒဲး စံပ်ဖြား တာံအဲဟာံ။  
 ဘည်ဘာည်းမာ် အီးမိုးတံမ်ပံင်နံင်ဒဲး တာံအဲတူအီးဒီး၊ အန်းဟည်စုန်းဒဲးဒို  
 တာံစံပ်ယေဆု။ စာပံင်ကလူည်၊အဲတော်န်းချေး စံပ်ယေဆုစီကတူးခံမ်ယာမ်  
 ဟာဝ်း တံင်တဲင်းရံင်းတာ်၊တည်း စီခံမ်လာည်းတံမ်ပံင်ဒဲးစံပ်ဖြား တာံအဲဒီး။



စံဝ်ယေဆုဒီး အန်းခံယာမ်းဘာည်းတိုဆတ်ပံင်လူ အီးအာဝ်မဲးပံင်ကလူည်, စာနံင်လာည်းစိုန်ပံင်ကလူည်,တူအီးပါပည်မဲး။ ဂေါ,မိုးစံဝ်ယေဆု ခံယာမ်းဒဲးဒီး၊ ပံင်ကလူည်,မျိုးမဲ့ဘူဒါ်; စံဝ်ဖြားဟည်ပျိုတ်ဒဲးဒိုဟာ်။




ဆာ်မိုးလှိုည်ကုဆို လောင်ပံင်ရဲန်းအဲအခည်း၊ ချေးမဲ့မာ် နံင်အာဝ်ကတူးမ ချော်တ်လာည်း။ ဆာ်မိုးလှိုည် ပံင်ရဲန်းအဲကဲနီးအခည်း ဘာည်းမဲ့မာ် အန်းနံင်အာဝ်ဘယ်မ ရဲန်းဒဲး တူအီးကာည်းစံဝ်ဖြား နှာင်းလည်ကညားချို,ချို။ စံဝ်ယေဆုဒီး အန်းမိုးကော်န်းစံဝ်ဖြား၊ အန်းစီကတူးခံယာမ်းဟ်; ဘိုဝ်ဘိုန်းဒဲး; အိုည်းဆည်း အန်းစီဗီးယာည်,အီမ်းဒဲးဘိုး ဒယာမ်း။ ဆာ်အဲညှေမ်လှိုည်အန်း စီနံင်ကတူး ချော်တ်လာည်း။




ချေးမဲ့ဘူဒါး ဆာ်ဟည်ညှော်မံင်ယေဆု စီခံမ်လာည်းဘပ်တိစမ်  
 ဇဲပ်အဲမ်းအခည်း၊ အန်းနံင်ကတူးချော်တ်လာည်း။ ဘည်ဘာည်းမံင် အီးမိုး  
 ကဲအီးဘူညှော်မံင်အန်းအခည်း နံင်ကတူးကညားအန်းစံင် ပယ်ဗိုန်။ ချေးမဲ့ဘူဒါး  
 အီးချမ်းအီးဖွာန်း၊ အဆာ်ကဲဒဲအဆာ်ကဲဒါင်း၊ အီးပဲန့အီးမာည်း၊ စံင်ဖြားကမဲး  
 တံင်နှေးဒိုတော်န်းချေး၊ စီဆိုင်ဒဲးတူအီးတော်န်းချေး၊ ညှော်မံင်ဒိုအန်း။ ဂါဆိုင်မိုးကဲအီး  
 ညှော်မံင်အန်းအခည်း ဟည်မိုးဒို ပီဓါးအန်းဟာ်။



မည်းညှော်မံင်လံာ် စံင်ယေဆုဒီး မိုးမေဆိယ မိုးကော်န်းစံင်ဖြား။  
 မည်းညှော်မံင်လံာ် မည်းမိုးတူအီးမဲးပံင်ကလူည်၊ အူချေး၊ ဟည်ကိုင်တာန်တံမ်  
 ပံင်ဒဲးစံင်ဖြား တံာ်မည်း။ မည်းညှော်မံင်လံာ် စံင်ယေဆု ဟည်ခံမ်ယာ်မံင်ဟာ်း  
 တာင်စာမည်း တဲင်းရံင်တံာ်တည်း စာနံင်လာည်းဗိုန် ပံင်ကလူည်၊ မည်း။  
 စံင်ယေဆု ဆိုင်ဒဲးမည်းဒဲးဇူး ပါ အန်း၊ ဆိုင်ဒဲးမည်း ညှော်မံင်အန်း၊ ဆိုင်ဒဲးမည်း  
 ခံမ်လာည်း ဘပ်တိစမ်ဇဲပ်အဲမ်း။




ဆာမည်းညှော်မကဲကဲနီး မည်းဟည်မိုးပေါ၊ ခရိတ်ယာန် အန်းအီးညှော်မ  
 စံဝ်ခရိတ်အူချေးဟာံ။ စံဝ်ဖြား ဟည်တဲ၊လည်လေးဟောင်းမည်း ဒခဲင်းဒီအာ်၊စံင်း  
 အီးမိုးဒီကိုင်းခွန်ဆိုင်၊ စီတိုန်းဒဲး မည်းလဲပ်ဟောင်းဂေါ်ညး ပါ် ကိုင်းစံဝ်ဖြား  
 ဒီဟိုဝ်ပိုင်။ အီးပျိုမ်းမာ် ဟည်ကမားဟောင်းဒို့။ ဆိမ်ဘာည်းဆံမ်ဒါ်၊လာ်ဘာည်းဇဲန်း  
 ဂေါ်၊မိုး စံဝ်ဖြား ဟည်ရဲန်းဒဲး အန်းမိုးဒို့ အီးတမည်းအန်း။



ဆာမည်းမိုး ခရိတ်ယာန် အန်းအီးညှော်မစံဝ်ခရိတ်အူချေးအည်း၊ ဂေါ်၊မိုး  
 လိုင်းပံင်ရဲန်းဒဲးစံဝ်ယေဆုဒီး စံဝ်ဖြားဟည်ပျိုတ်ဒဲး ပံင်ကလူည်၊မည်းဟာံ။ စံဝ်ဖြား  
 စီဘူတိုဝ်းယဲဝ်းမ ဒါ်တာ် မည်းမိုးယာန်ဆူအူချေး။ ဟည်တိုဝ်းယဲဝ်းပေါ၊  
 မည်းမိုး ပီဓါးကမဲးအန်း။





ဆာ်မည်းမိုး ပီဓါးစံ်ဖြားအူချေးအည်း၊ မည်းနံင်ဆိုင်ရဲန်းတော၊ပေါ၊  
 ဘည်းပံင်ပနံ်းဟာ်း စံ်ယေဆု။ မည်းဘည်မိုးစံ်မ့် ခရိတ်ယာန်အူချေးမာ်  
 မည်းနံင်ဂီကတူးကီန်း ဂေါ၊ပံင်ကလူည်။ ဘည်ဘည်းမာ် စံ်ဖြားဟည်ဒါ်အူန်း  
 ဆာ်အဲပျိုဝ်းကလောင်းပံင်ကလူည်၊အဲ တံ့စံ်ယေဆုအည်း၊ အန်းမာ် နံင်ပျိုတ်ဒဲး  
 ပံင်ကလူည်၊အဲ စီနံင်ဒဲးညွာ်မးတံ့အဲ နှာ်းအဲဘယ်ခလေးဘိုန် ဒကီန်းဒည်း  
 ကဲကဲဒီး။




စံ်ဖြားဟည်ဒါ်အူန်း အဲလိုမှာန်းဆူးတံ့အန်း၊ အဲလိုဒီးဘေ၊ကျာမ်း ရဲန်း  
 တော၊ ဘည်းခေင်းဘေ၊ကျာမ်း၊ လိုဂျေပ်စံ်ဖြား တော၊စုမ်းညှေမ် စံ်ခရိတ်ကဲ  
 အီးဟည်း၊ လိုခံမ်ဆံက်ဆေ ဘည်ဘည်းအန်းစံ် ရဲန်းဒဲး တံ့အဲ။ အီးမိုးကဲကဲ  
 နီး အန်းကဇော်ည်ဒဲး နှာ်းခနားတူအီးကာည်းစံ်ဖြား ဂေါ်ည်းတခိုည်း လည်ကဇာ်  
 မ်ဒဲးဟံ့။


# ၅၀။ စံဝ်ယေဆု နံင်ဇီး လေးဒေးဘိုး



မတဲ ၂၄:၁၄၊ ၂၈:၁၈၊ ယောဟာန် ၁၅:၂၀၊ ၁၆:၃၃၊ ပံင်နံင်ဘာည်းဒေး ၂:၁၀၊  
မတဲ ၁၃:၂၄-၃၀၊ ၃၆-၄၂၊ ၁ တဲတ်တာလောနဲက် ၄:၁၃-၅:၁၁၊  
ယာကိုပ် ၁:၁၂၊ မတဲ ၂၂:၁၃၊  
ပံင်နံင်ဘာည်းဒေး ၂၀:၁၀၊ ၂၁:၁-၂၂:၂၁




အီးမိုး ဆတောင်းအီးမဲ့မီးခိုည်း လောင်စံဝ်ယေဆု အီးမိုးမေဆိယမာ်  
 ဟည်ကတားဟောင်း ဟည်ဘိုန်းဒေးလတ် ဆောင်နမ်းအန်းအယ်ဟောင်းလေး။  
 စုမ်းညှေမ်စံဝ်ခရိတ်မာ် ဟည်ဂိုန်းဒေးပေါ,ခည်း။ စံဝ်ယေဆု ကလောင်းဒါးအူန်း  
 ဆက်ကံမ်ဟနီးဆုတ် အန်းနံင်ဗီးလေးဒေးဘိုး။ ဘည်ဘာည်းမာ် တော်ကံပ်စာ်မီး  
 စံင်နည်မာ် အန်းညှေမ်ဗီးလေးဒေးမ။



ဇိုဂီဂေါ်ည်းပည်နွက်အဲတ် စံဝ်ယေဆု နံင်ဗီးလေးဒေးဘိုးဒီး၊ ခရိတ်ယာန် အီး  
 ညှေမ်စံဝ်ခရိတ်ကဲ နံင်လိုဂေါ်ည်းဟောင်း နှာင်းဇိုအဆာက်အဲဆငါးချို, တော,တတ်  
 ဘာည်းမဲးနော့စံဝ်ဖြား တဲင်းအဲ။ ဇိုဂေါ်ည်းဒေးစံဝ်ယေဆုတ် တဲင်းကံမ်ဟနီး၊  
 အန်းစံဝ်ဒါး "တူအီးကဲလိုဟောကလောင်း ဆတောင်းအီးမဲ့မီးခိုည်းနီး တံ့ခြိုဝ်းတူအီး  
 တော်န်းမျိုးပါကံမ်ဟ၊ ဘိုန်ဇဲန်း စီနံင်စာ်မီးဒေး ဆငည်းဆုတ်အန်း ဟံ့။"



ခြိုဝ်းမျိုးအန်းအီးညျမ်ယဲဝ်းတညာဝ်း လော်င်စံဝ်ယေဆုနီး ဆိုင်ဂိုန်းပေါ၊ အခည်းဟံ့။ အာညျ်,ဟိုက်အန်းတတ်ပျိုပျိုနီး အန်းစိတ်မ်းဒါးအူနီး တံ့ကဲအီး ညျေမ်စံဝ်ခရိတ်ကဲ နှာင်းကဲဟောင်းကလောင်း ဆတောင်းအီးမဲ့မ်ခိုည်း တံ့တူအီး စားကဲအီးညျမ်ယဲဝ်းတညာဝ်း။ အန်းဒါး "ဟောင်းနား၊ စီရဲန်းဒဲး နှာင်းခြိုဝ်းမျိုး တူအီးပျိုပည်မဲး ပေန်ဒဲးဒို့ တပဲစံဝ်နား။ စာနံင်ဆိုက်တကျဲတ်လာည်း တပျိုနီး မဲညှဝ်းမာ် ဟည်ဆိန်းပေါ,ခည်းဟံ့။”



စံဝ်ယေဆုဒါး "စံင်ဆူညျ်,ဒါးအီး အန်းအာဝ်ဒါင်းမျှတ်မှယ်မ ခူ ကညျား အန်း။ ပဲနံင်ကတူးကညား အီးရဲန်းမိုက်းမာ်း စီပယာ်မ်းစိုန်ပဲ ဂေါ,လိုင်းအံဝ်းနား။ မည်းနံင်ကတူး ကိန်းဒည်းတဲင်းလောကနီး။ ဘည်ဘာည်းမာ် မည်းခူနေားဇေား နေားဒဲးနား။ အီးမိုးအံဝ်းနီး၊ အံဝ်းဟည်ဘယ် ခူန်ဆိုင်။ ပဲစီအူနီးမဲးကတိ တော်ပဲ ကံပ်ယာ်မ်းဟောင်းနား။ ဘိုန်ဇဲန်း မည်းမာ် စီနံင်ကတူးချော်တ်လာည်းနား။”




စံဝဲယေဆု စီဒါးကျော့ကကည်း ကလောင်းနဲ့ တံ့တပဲအန်းကဲ၊  
 လော်င်ဘည်ဘည်းနံင်ပေန်ဒေး ဘိုဝ်နံင်တဟော်ည်အန်း။ "ကိုင်းစံဝဲဖြားနီး  
 အန်းဘည်းလို့ည် ချေးအီးပျှ်,တီ,ကအောင်းဆမဲ စားအီးချဲမ်း ခဲင်းလိုင်းအန်း။  
 ဘည်ဘည်းမာ် ဇိုဂီအိင်ါမ်းအန်းဒီး အီးမိုးယာန်ဆူအန်း စီဒေးပျှ်,ဟောင်းလာ်  
 ကအောင်းဆမဲ အီးဘူပေန်အန်း၊ စီလည်လေးဟောင်းဟာ်။"




"ဘိုဝ်လဲတ်လေးဒေးကအောင်းဆမဲကဲဒီး၊ စံင်ဆူည်,ဒီး စီမော့,ကညျားအန်း  
 ဒါ်; 'အာ်မိုးဟိုဝ် မည်းတီ,ကအောင်းဆမဲ စားအီးချဲမ်း ခဲင်းလိုင်းဒီး၊ ဆိမ်ဘည်း  
 စံင်နည်နီး ဆံမ်လဲတ်လေးဒေးဘိုး ကအောင်းဆမဲအန်းအီးဘူပေန်ဘည်းညျေ့နီး။'  
 ဘိုန်ဇဲန်း ကညျားအန်း စီမီးဒါ်; 'ကအောင်းဆမဲအန်းအီးဘူပေန်ကဲဒီး  
 မိုးယာန်ဆူ ဟည်ဒေးပျှ်,ဟာ်ဟာ်။'"



"စံင်ဆူညည်,အန်းဒီး စီမော့,ဒါ်; 'နံင်ဘိုန်းလံ့ တိုတ်ရိုညည်,ဗိုန်ဒို ဘောတင်းခံင် အီးဘူပေနဲကဲနီး။' ဘိုန်ဇဲန်း တားကညျားအန်း စီဒါ်; 'ဆာ်ပဲ ရိုညည်,ဗိုန်စံင်နည် အီးမိုးဘောတင်းညှဝ်း အန်းအီးချမ်းမာ် နံင်တော့,ဟောင်းဒို။ ဂေါ,မိုးဘာညည်းဇဲန်း နံက်ဆဲ နှာင်းစာ်မး ဘိုဝ်ဘိုန်းတံ့ဆိုက်အန်း၊ အဲစီရော့ဗိုန်လာ် တင်းခံင်အန်းအီးဘူ ပေနဲကဲဒီး၊ စီဒါ်ငည်း တိုက်ကျွမ်းဗိုန်ပေါ့၊ အီးမိုးညှဝ်းအီးချမ်းကဲကဲဒီး စီဗီးကစု ဟပ်အုန်းဒို တံင်ပူ,အံဝ်း'။"



ဂေါ,မိုး တပဲအန်းကဲ အာဝ်ကညျူးနာ်,ချို,ချို, ပံင်ဆိုင်ဒါ်; အပိုမ်ကျော့; ကကည်းလှေဒီး၊ ကဲစီဗီးမော့,ဘို အန်းစံင်။ အန်းစံင် စီကလောင်းနဲဒါ်; "ချွေအီ ပျာ်,တီ, ကအာင်းဆမဲ အန်းအီးချမ်းအန်း မိုး မေဆိယ။ အီးမိုးလိုင်နား စီမိုးလာ် ကံမ်ဟဒါ်နီး။ ကအာင်းဆမဲအီးချမ်းအည်း မိုးကဲအီးဂေါညည်း ခဲင်းကိုင်းစံင်ဖြား ဟံ့။"



"အီးမိုးတင်းခံင်ကဲကဲဒီးအခည်း၊ မိုးအန်းအီးဂေါ်ည်းတော၊ ခုန်ဆိုင်။ ချေးအီးတီ၊ကအာင်းဆမဲခံင်ကဲဒီး မိုး ခုန်ဆိုင်ဟာံ။ အချိုင်နံင်ဆိုက်အန်းဒီး ဟည်မိုးပေါ၊ အချိုင် နံင်ဆုတ်ကံမ်ဖာနား။ ကဲအီးနံင်ဒေးဆိုက်ကဲဒီး မိုး စံင်နောင်းပါ့ ပ္လှိုန်းကဲ။"



"ဆတ်စမ်းဒေးအချိုင်ကံမ်ဖာနံင်ဆုတ်ဒီး၊ ဂါဆိုင်မိုး ကဲအီးဂေါ်ည်းတော၊ ခုန်ဆိုင်၊ ကဲစီနံင်ကတူးကညား ကမ်းကစုခမ္မိ စေတ်ဟပ်စိုန်ဒို့ တံင်ခဲင်းမူက် ငည်းလာန်းဟာံ။ ဓါည်းဒီး အီးမိုးတူအီးဆိုင်မှာန်ကဲခည်း စီနံင်ဟိုင်ပွိုင် ဘာည်းပေါ၊ ဆာင်ငည်းဂေါ်ည်းအူန်း ပါ့ ခဲင်းကိုင်းစံင်ဖြား။"




ဘိုဝ်ဟိုက်ဟောင်းအန်းစံတ်တာ ပါ့ပျိုန်း၊ အန်းစိတ်မ်းဒါးအူန်း အန်းဟိုက်  
 ဟောင်းပါ့ပျိုန်းဘာည်းမွဲမာ် အန်းနံင်ဗီးလေးဒေးဘိုး ပါ့တေင်းကတာည်း  
 တော,တက်ဘာည်းဇေန်းဟာ်။ ဘိုန်ဗီးလေးဒေးအန်းဒီး ဂါဆိင်မိုးကဲအီးညျေမ်အန်း  
 စံင်ခရိတ် အီးမိုးကဲအီးယာ်မ်းဟောင်းကဲဒိုဝ်း ကဲနံင်ဗီးယာ်ည်,အိမ်းဒေးဘိုး ဒယာ်မ်း၊  
 ကဲစီနံင်ဟောင်းကညား တာ်အန်းစံတ် ပါ့ပျိုန်း။



အီးမိုးခရိတ်ယာန် အီးညျေမ်စံင်ခရိတ် ကဲအီးဂေါ်ည်းအဆာက်အိမ်းအူန်း  
 စံင်နည်နီးမာ် နံင်ကညားလာည်းဟိုက်ဟောင်း တော,ကဲ ပါ့ပျိုန်း၊ ဂါဆိင်မိုးကဲအီး  
 ညျေမ်စံင်ခရိတ်ပါပည်မဲးမာ် နံင်ဂေါ်ည်းဆေ တော,စံင်ကညားယေဆုဟာ်။





ကဲအီးညှော်မံင်ခရိတ်ဒီး ကဲနံင်ဘိုန်းလာည်း ပါန်ကိုမ်းအဆာက်အိမ်းဆေ  
ဒဇဲန်းအာဝ်ဇါ်နး အီးမိုးဗီးယာ်မ်းဒါ်အီးမာ် ကဲဘူမဲးမခံင်ဘော်ကဲ။ ဂါဆိင်မိုး  
ကဲအီးညှော်မံင်ခရိတ်ဒီး စီနံင်ဘိုန်းဂေါ်ည်းဆေဟောင်း တော,စံင်ယေဆု  
နီမ်းနီမ်းဟာ်။



ဘည်ဘာည်းမာ် အီးမိုးကဲအီးဘူညှော်မံင်ကညျားယေဆုအခည်း၊ ကဲစီနံင်  
ကညား စံင်ဖြား ဒဲးတံမ်တံက်ကဲ။ ကဲနံင်ကတူးဇေးဟောင်းဘိုး တံင်ငည်းရည်း  
ဘူမဲးထာတ်ဘူမဲးဗါည်းခံင်ဘော်ကဲ။ ကဲအီးဇေးတံင်ငည်းရည်းဒီး ကဲနံင်  
အူးယာမ်း ကတူးဂေါ်ည်းဆေဟောင်း တံင်ကီန်းဒည်းဒီး။ အီးမိုးပျါ် ငည်းရည်းဒီး  
ငည်းမာ် အာဝ်ယာ်,မခံင်ဘော်ကဲ၊ ငည်းဒီး စီနံင်ကျို,ဆေဟောင်းကဲ၊ ဓအိုမ်ဘျုတ်  
ဘည်ဂံက်စံ်ကဲမာ် ကဲနံင်အာဝ်ယာ်မ်းမ။ ၇၆



စံဝ်ယေဆုမာ် စီနံင်ဆိမ့်တဟော်ညး,ဗိုန် ခုန်ဆိုင် ကာညး ကိုင်းအန်း  
 စီနံင်ပွဲပ်ဟပ်အန်း တိုင်မူက်ငည်းလားန်းဆေ အီးမိုးတံင်ငည်းရာညးဟာံ။  
 အီးမိုးကန်မ်းမရာနမာ် အန်းစံဝ် နံင်ဒဲးအန်းဇေးတဟော်ညး,ဗိုန် တံင်ငည်းရာညး  
 ဒီးဟာံ။



စံဝ်ယေဆုမာ် စီနံင်ဗီးဖာန်ပွေးအူန်းဘိုး ကံမ်ဖာတမာညး ကာညး ပ္ဍိုန်း  
 တမာညးဟာံ။ အီးမိုးပ္ဍိုန်းကာညးကတာညးမာ် နံင်ဗီးပေန်ပဲန်းပေါ,ခည်းခည်း  
 ဘာညးခည်အာညး,ရဲန်းကလူညး, အာဒံမ်ကာညးအေးဗဟာံ။



ဓါည်းဒီး စံဝ်ယေဆုမာ် စီနံင်ဂေါ်ည်းတိုဝ်းမေန်းဆေဟောင်း ပါ်ဒိုဒို။ အီးမိုး  
နေားဇေားနေားဒဲဒါ်အီး၊ ယာမ်းဒါ်အီး၊ ဆဲင်းဒါ်အီး၊ ဂါ်ဒါ်အီး၊ ယာမ်းဒါ်အီး၊  
ကိန်းဒည်းဒါ်အီးမာ် နံင်ဘူမဲးမ။ စံဝ်ယေဆုမာ် စီနံင်တိုဝ်းမဲန်းဟောင်း ကိုင်းအန်း  
ကရီးကတီး ဒါ်တြားဆိုင်ဆိုင်မှာန်မှာန် နှာင်းဂေါ်ည်းချို၊ တခိုည်းဟောင်း၊ အန်းနံင်  
ဂေါ်ည်းဆေဟောင်းပေါ၊ တော၊ ကဲအီးညျေမ်စံဝ်ခရိတ်ဟာ်။